


# BENGHALI, RE RATA

## HO BONA JESU

 [Moena Branham o qoqa le Moena Neville nakong eo phutheho e binang *Lumela Feela*—Mohl.] (. . .? . . . Ke lekile ho u letsetsa thapama ena, haholo kamoo nka khonang, u se lapeng ha ke leka ho letsa. Hei, haeba u tsoere molaetsa u ka tsoelapele 'me ke tla ema feela. U tiile, joale? Ha u na seo u ka se rerang . . .? . . .)

[Moena Neville o re, “Re thabile haholo bosiuung bona. Moena Branham o mpotsitse haeba ke na le molaetsa; haeba a ka khona ho mphumana. Empa ha a tlameha ho mphumana. Amen. Ke thabile, bosiuung bona, hoba ke lekantse e le monyetla o moholo ha a tiile koano. 'Me ke thabile, ho feta ntho efe eo ke e fumaneng ea Keresemose, ho tseba hobane o teng mona. 'Me Morena a mo hlohonolofatse a sa tla bosiuung bona. Hola a ka ema mona, ho tla be ho itoketse. Ho bokoe Molimo! Empa ke thabile ha a le koano, 'me Morena a mo hlohonolofatse a sa tla.”—Mohl.]

Kea u leboha, Moena Neville. Kea u leboha.

<sup>2</sup> Malume mantsiboea ana, metsoalle. Ke ne ke bolella Moena Neville, ke—ke lekile ho mo letsetsa lapeng la hae thapama ena. Ke boleletse batho ba tsoang tlase Georgia, le mathoko, veke e fetileng, ha ke kholoe ke tla fihla koano kajeno, ka baka la batho ba bangata ba fihlang.

<sup>3</sup> 'Me, koana, nakong ea Keresemose, lea tseba, bana ba banyenyane, u ke ke ua ba bolella taba e fapaneng. Bao, feela, ho bona ke nako ea Keresemose. 'Me ha ba fanyeha lisokso tsa bona tse nyenyane, ho tla ba le ntho e 'ngoe. Ke moetlo, esita le sechabeng sa rōna, ba fanyeha sokso ea bona, le ntho e 'ngoe. Khele, ke entse joalo, bongoaeng ba ka, 'me—'me leha e fapohile Lengolo hakana—hakana, tsela e kutlehileng. Koana, bana ba joalo, ba utloa bana ba bang ba re, “Be, 'na ke fumane *sená* bakeng sa Keresemose. Ke fumane *sená*.” 'Me mathakanyana a emeng haufi, a sheba, lea tseba. Lōna, ha u khone ho ba fa kutloisiso. Lea bona? Ka hona, feela, Keresemose e tla hlola halelele mona. Yaa.

<sup>4</sup> 'Me ha se letsatsi la tsoalo ea Morena oa rōna, mohla A neng a tsoaloa. Joale, ha u ka tsoara ntho ea hao . . . 'mapeng oa hao, ho sheba, Judaea e tlasa ek'hoaita hakaalo ka ha ntho ena e le holim'a eona. Ka hona rea fumana, koana Judaea, lithabeng tse holimo mono, lehloa le khethehile. Khele! Lehloa la mono le feta la mona. Balisa ba ka be ba se lithabeng nakong eo, ba alositse linku tsa bona.

<sup>5</sup> 'Me ntho e 'ngoe, Eèna, e ka thulana le tlhaho eohle. Lea bona? Likonyana le lintho tse joalo li tsoaloa ka sehla sa paseka, e seng nakong ena ea selemo. Likonyana ha li tsoaloe hona joale. Lithole ha li fumane likonyana hona joale. 'Me E ne e le Konyana ea Molimo, lea bona. Ka hona mono, O tsoetsoe kae-kae nakong eo, ba rialo, ho ella 'Mesa, mahareng a 'Mesa, ntho e kang eo.

<sup>6</sup> Empa, erekaha e le la 25 Tšitoe, khele, e fetoloa letsatsi la tsoalo. Lena ke letsatsi la tsoalo la molimo-letsatsi. Lea bona? Baalime oa Moroma, molimo-letsatsi. Lea bona? 'Me hantle hona joale letsatsi le phikolohile ka halofo. 'Me diserekisi tsa Maroma li qala ka la 20 ho isa ho la 25, ho keteka tsoalo ea molimo-letsatsi. 'Me ba itse, "Be, joale, ho khahlisa Mokreste le mohetene, re tla hlophisa, sebakeng sa molimo-letsatsi, Mora oa Molimo le molimo-letsatsi, 'moho. Re tla e matahanya re e fetole tsoalo e le 'ngoe, re e etse ka la 25." E bonahetse e khahla mohetene le kereke ea maipolelo mohlang oo, kerekeng ea pele ea Roma. E le feela. . . Ho bona ho ne ho lokile, ba sa tsotelle. Eaba ba le fetola tsoalo ea molimo-letsatsi le Mora-oa-Molimo.

<sup>7</sup> Joale, letsatsi le lelele ho fetisa selemong ke ho ella la 21 kapa la 22, bosiu bo bolelele ka ho fetisa, ke rialo, selemong, ke ho ella la 21 kapa la 22, mohla, letsatsi le mahlhana a lona, letsatsi lea tšethema, lea khutla. Joale li qala li lelefala ka metsotsoana e 'maloa kapa ka metsotso. 'Me ho ella ho Phupjane kapa Phupu, re fumana letsatsi le lelele selemong.

Ka hona, empa, Keresemose e tla hlola nako e telele mona, ka hona re—re ke ke ra thusa letho.

<sup>8</sup> Lithaere tse se nang chupu li tla lula halelele mona. Ha ke li batle, empa li—li tla lula halelele mona. Uh-huh. Ke hantle.

<sup>9</sup> Basali ba hlobotseng, ba tla lula halelele mona. Dishotso, li tla lula halelele mona. Ke phetho. Li tla khutsufala ho feta ka linako tsohle, ka hona nke ke ka etsa letho ka eona.

Ke mpa ke re ho phoso. Ke tiisetša ho Eona, 'me ke hantle.

<sup>10</sup> Sebe, se mona ho lula halelele. Se mona ho lula halelele. Re tla ba le sona, joalo le joalo. Ka hona, feela, se tla lula halelele Jesu a be a fihle. 'Me lintho tsena tsohle li tla lula halelele mona. Joale, ha ke lumele. . .

<sup>11</sup> E reng ke e hlakise. Ha ke kholoe Jesu a tsotella letsatsi leo u rapelang tsoalo ea Hae ka lona, haeba e le 25, 26, kapa e le 'Mesa, Motšeanong, Phupjane, Phupu, e ka bang neng, ha feela u rapela, u Mo rapele letsatsi lefe feela.

<sup>12</sup> Empa lebaka ke lena. Ba hlobolisitse Keresemose khalalelo ea eona, ho e fetola ntho e seng Keresemose empa, letsatsi la ho rapela, empa mokete. Lea bona? Rōna che. . . U utloa batho ba reng, "Re tlil'ō keteka Keresemose." Ho phoso. Ha rea tlameha ho keteka Keresemose. Keresemose ke letsatsi la ho rapela, e seng ho keteka.

13 Re keteka tsoalo ea Lincoln. Re keteka tsoalo ea Washington. Haeba u tsoaletsoe Boroa bo hole, re tla keteka tsoalo ea Lee, kapa—kapa Jackson. Tsoalo ea bona ke mokete.

14 Empa letsatsi la tsoalo ea Krete, kea lumela, eka khona e be letsatsi la boineelo, ho rapela, sebakeng sa bosiu bona. Batho ba kene kerekeng, ba khumame ka mangole a bona, ba rapela, ho leboha Molimo ka Mpho ea 'nete ea Keresemose.

15 Lieta tse lirethe li telelele, le lifahleho tse takiloeng, le libaki tse mehatlana, 'me ho tla tipa-tipa mafiso a wiski, e mong 'nqa e mong. Le didolara tse mashome a likete tse atisoang ka mashome a likete tse rekang wiski, le disigara, ho tla abjoa disakrete bosiu bona. Athe, likete tsa bana ba bafumanehi, bathoana, ba robetse ba lapile ba sa ja kapa ba hloka sebaka sa ho robatsa hloho ea bona.

16 Ho rapela, ke seo re se hlokang. Re tsoere mokete. Oh, ke hantle. Hoo, ha se a loka, empa re ke ke ra e khina. E tla lula halelele mona. Rōna, re tla lula re fumana Keresemose ka ho tsoana feela.

17 'Me lentsoe Keresemose, Keresemose le tsoa ho lentsoe la " 'misa oa Krete," 'misa oa Krete, C-h-r-i-s-t-m-a-s. Lea bona? 'Misa oa Krete, ke moetlo oa Katolike.

18 'Me ngoana oa ka, e mong oa barali ba ka, ha ke sa re u monyenyanane, Becky, o ne a tlamehe ho ngola pale tsatsi le leng, ka thutakhopolotaba, ka ntho ea monahano. 'Me ka re, "Ngola ka Santa Clause feela." Eo ke—eo ke eona. Santa Clause e nkile malulo a Krete. 'Me Santa Clause, motho ea joalo ha a eso hlahe. Lea bona? Ke moetlo oa mannete oa Katolike, ha e amane le Maprotestanta ka letho kapa sefe se joalo, lea bona, kapa Keresemose, kapa tsoalo ea Krete, ho hang. Empa Santa e tla lula halelele mona.

19 Empa tsatsi le leng Jesu o tla tla a lule. Ke Eo re mo shebeletseng.

20 Joale, ruri ekare Moena Neville a ka nka sefala sena, bosiu bona. Hobane, eona, ke boletse batho ke sa tl'o fihla kajeno. 'Me ha nka theoaha ka bua ntho e itseng, ke tla hatisa teipi. 'Me kea kholoa bao ba . . . Na le ntse le hatisa, lōna? [Motho o re, "E."—Mohl.] Hatisang teipi. Ha Moea o Halalelang khabareng ea kopano a ka bolela taba, ba ka khona, ba ka E utloa. Lea bona?

21 Ke tsoere Mangolo a 'maloa, le lintho tse joalo, tse ngotsoeng mona, a theronyana. 'Me ha ke tsebe; ke tšepile Morena a tla e sitsa. Empa lebaka la eona, ka tloaelo, masiung ana a Sontaha, batho ba koano ba tsoa mona ka bo robong, kapa metsotso e leshome ka morao, 'me e ka ba botle ha le ka tsoa pele ho 'ngoe.

22 Ka hona, empa kea kholoa tšupanako e teng. Uh-huh. [Moena Neville o re, "Ke hantle."—Mohl.] Eng? Ntho e itseng, tšebeliso ea khifla ea bosiu? ["Che, e seng bosiu bona, mona."]

Ke bolela . . . Che, e seng bosiu bona, che. Hono, o—o hopotse, hore ekaba ke ferekantse, bona ke bosiu ba Selemo se Secha.

<sup>23</sup> Be, re lebeletse nako e khōlō, bosiu ba Selemo se Secha. Ke mohla rōna, e mong le e mong, baena bohle ba kena, 'me re kenela setsoalle se sehola, e mong nqa e mong, ka bosiu ba Selemo se Secha.

<sup>24</sup> Joale, ke mpile ka le qhokola ka taba eo. 'Me ke kholoa e sa hatisoa teiping.

<sup>25</sup> Hela, letsatsi le leng, ha ke etsa teipi, ke thesetse ntho *ena* makhetlo a 'maloa, 'me—'me ka senya teipi eo feela, mabapi le taba eo *Bokreste Khahlano Le Bopagane*. Liteipi tsa senyeha. Ka hona haeba liteipi li—li letsoa kapa li kena, ekare mang le mang ea li nkang a ka tla monyako. Ho bula monyako feela kapa ho hong, ke tla tseba hobane e buletsoe joale. Ke tla bona kamoo ntho ena e buletsoeng, haeba e sebetsa. Ke botle. Ke hantle. Ho lokile. Ke tla e khurumetsa, ke fetele ka lehlakoreng lena. Ke ne ke sa e tloaela.

<sup>26</sup> Be, ke batla ho sebelisa monyetla ona ho leboha kereke ena le litho tsa eona, ka lintho tse ntle tseo le mphileng tsona ka Keresemose. Nakoana e fetileng, mora oa ka o kene a mpha lebokose le lehola. 'Me ke le ka hara . . . phaposi ea ka ea ho bala, ho bala. Ka e bula, 'me ka fumana sutu ea liaparo tse ncha e tsoang tabernakeleng ena. Le linthoana tsa ka tseo batho ba mphileng tsona, holimo mona feela, ha kea li bula hofihlela Joe a kena bosiu bona a li bula a bile a bula ea hae. 'Me hape, ruri ke—ke ananela seo. Morena a le hlohonolofatse. Ekare nka fa e mong le e mong mpho ea Keresemose. Nke ke ka khona. Lea tseba ho joang. U ke ke ua khona ho etsa joalo. Ke phetho. Haeba u—haeba u ka fa e mong, e supa hlompho ka mokhoa oo. U ke ke ua e khona feela. Moreri a ke ke a khona ho etsa joalo.

<sup>27</sup> 'Me ha ke utlosisa Moena Neville, hoseng hona, o filoe jasana e ncha. Liteboho tse khōlō ho lōna bohle, bakeng sa moena oa ka.

<sup>28</sup> Sephirinyana se teng mono, se tsejoag ke 'na le Billy Paul. Lea tseba, ke lesisitheho haholo linthong tsohle, ho e tsoara, le hona, ka ntho efe le efe. Billy o mpoleletse, tsatsi le leng. O itse, "U a tseba, ntate, ke ne ke le suphamakete. 'Me," ho re, "u re ke kopane le mang mono?" Lentsoe la hae le batla le thothomela. "Moena Neville, 'me," ho re, "keha a apere jasana, e batla e tšabeha."

'Me ka re, "Na ebe ea ka e ka mo lekana?" Lea bona?

<sup>29</sup> 'Me ka hona, a re, "Che. Ke monna ea litho ho u feta."

Ka hona ka re, "Oh, ke tla theoha feela ke mo fumanele e 'ngoe."

<sup>30</sup> Ka hona, eaba ke fumana cheke e tsoang kerekeng mona, joaloka eena. Ka nako eo, Billy a tla a matha ka lentsoe le lehola le susumetsang, le ka pososelo sefahlehong sa hae, "Daddy,

kereke e tlil'o mo rekela e 'ngoe." Be, ruri ke tseba kereke e ka mo batlela e ntle ho feta 'na, eaba kea nahana, "Ho babatseha feela, bohle re ka e fumana." Empa re tseba e finyeletse sebakeng se setle, Moena Neville o hloka jase eo.

<sup>31</sup> Lea tseba, ke batla ho le bolella lethonyana mabapi le hoo. Ke ne ke bala historing. Ke phetho seo ke se entseng liveke tse 'maloa tse fetileng, likhoeli kapa tse peli, ebile ho tšoarana le histori ea Bibe. Nkile ka bala . . .

<sup>32</sup> Buka ea ka ea pele e ne e le Testamente ea Khale, seo Molimo o nong o le sona ka hara Testamenteng ea Khale. Eaba ke nka Testamente e Ncha, ho bona seo Molimo o nong o le sona, ho se bapisa le kajeno, ka ha ke tseba A tlameha ho lula a tšoana. Lea bona?

<sup>33</sup> Ka ntano fosa nqalo e le 'ngoe ea kereke, e le lipakeng tsa mohla moapostola oa ho qetela a fallang ho fihlela ho fihlela ho kena mongoaha o lefifi, mohla ho theoang puso ea kereke e Katolike. Ba lahlehela ke mehlolo eohle, le Khalalelo eohle, ea phonyoha kereke, ntho e 'ngoe le e 'ngoe. 'Me ke—ke batla ho tseba se hlalileng mehleng eo, ke sa tsoa tšoarana le dihistori tsa khaleng ka ho fetisa, tsona tse kang ea Hislop, *Two Babylons*, le ea Broadbent e leng *Pilgrim Church*, ea Fox e leng *Book Of The Martyrs, The Post-Nicene Fathers, The Nicene Council, Pre-Nicene Council*, le boranalane bao bohle ba hloahloa ba ngolileng mehleng eo, bophelo ba banna bao bohle ba theko e thata. Eitse ha ke bala ka bona, ea ka re ke utloa *Pesalema ea Bophelo* ea Longfellow.

Maphelo a banna ba linatla a re hopotsa  
Hoba re ka phethisisa maphelo a rōna,  
Koana ha re arohana re ka siea ka mora rōna  
Mehlala ea maoto mahlabatheng a nako.

<sup>34</sup> Ha ke bona seo banna bao le basali ba fetileng ho sona, motšeo koo, le ho bona hoo, ho baballa Evangeli ena! Athe ba rerile eona Evangeli ena, eona ntho e etsahetseng ka har'a Testamente ea Khale, Testamente e Ncha, le ka ho tšoana hantle feela. Hono ho E pakela ka paki, e le 'ngoe, tse peli, tse tharō. Lentsoe ka leng le tiea joalo. Oona Molimo o sebelisitseng bapofeta ba khaleng, o sebelisitse baapostola, 'me o sebelisitse baena ba pre-Nicene.

<sup>35</sup> 'Me ke Enoa kajeno, o sebelisa batho ba Hae ka ho tšoana, lipontšo lia tšoana, mehlolo e a tšoana, Evangeli e a tšoana, matla a tšoana, Molimo o a tšoana, ntho eohle. Ke lipaki tse tharō, ho rōna, hore *Ena* ke 'Nete. *Ena* ke 'Nete. Molimo o e abile ka litestamente tse tharō. Lea bona? Histori eo e . . .

<sup>36</sup> Bibe ke nalane ea seo Molimo o nong o le sona, ka hona ke nalane ea Testamente ea Khale.

<sup>37</sup> Testamente e Ncha ke nalane ea—ea Testamente e Ncha.

38 *Athe Nicene Council And Fathers, le Post-Nicene Council, ke nalane ea kereke mehleng eo.*

39 'Me joale nalane e ipheta sa mehleng eo. Etsoe, nalane ena ha e sa tla ngoloa le ka mohla. Che. E atametse ho Khutla hoo haholo joale.

40 'Me Molimo o thuse motho matsatsing ana, batho ba leakang ho ipatlela thoriso ea motho, banna ba leakang ho—ho itumisa, kapa har'a batho. Ana ha le tsebe na, hore motho, mohla a timelang, hoo hohle ho timela 'moho le eona? "Le mpe le ipatlele menono ea Leholimō. Eona e ke ke ea feta le ka mohla."

41 Mahlohonolo a Molimo a enngeng a be le lōna bohle. Ke ba boleletse, bosiung bona, ke tloaetse ho ea kerekeng ka Sontaha nqa e 'ngoe, haeba nka khona.

42 'Na, kajeno, hoseng hona, ke ha ke hlolohetsoe ho tla koano habohloko, ho utloa molaetsa oa Moena Neville. Empa ka mor'a ho etsa tšepiso eo, ha kea batla ho e roba.

43 Eaba ke leka ho mamela diradio, le—le lintho tse joalo, 'me hohle hoo ke ho utloileng, "Hang ka mor'a tšebeleto ena, re tla kopanela phaposing ea ho jela bohle re noe kofi 'moho. 'Me re tla . . ." Ebe kereke e fetohile'ng? Ke ntlu ea baeti feela. Hore'ng le sa e bitse "ntlu ea baeti" sebakeng sa kereke. Kereke ha ea tlangoa ka lintho tse joalo. Kereke ha se moo ho bokaneloang kofi, kapa eona tinirana, kapa tsona disophoso, le lintho tse kang tseo.

44 Re lalla le Morena. Kereke, ke hona moo re lallang le Eèna.

45 Ke boleletse mohatsa ka, "Honey, ke—ke se ke nyatsa haholo, ha ke batle ho theohela tabernakeleng, kapa ho ema sefaleng." Oh, ha ke ntse ke tsofala, e ka re, kea mpefala. 'Me ha ke—ke—ke batle—ha ke batle ho ba joalo, ka mokhoa oo. Empa Ntho e futha ka hare ho 'na, ho ba joalo.

46 Eaba ke re, "Na ebe ke lahlehela ke kelello? Hore'ng ke sa khone ho ipapisa le mokhupi 'ohle? Hore'ng ke sa khone ho tsoana le baena ba bang? Hore'ng ke sa ikahela mokhatlo, ka sebeletsa ho 'ona joalo ka bona? Kapa, hore'ng ke sa khone ho tsoa ka lesa ho ruthutha batho le lintho tse kang tseo? Hore'ng ke sa khone ho etsa joalo?" Eaba ke re, ka nahana, "Na ebe ke lahlehetsoe ke kelello?"

47 Ka ntoo khutlela Lentsoe, 'me ke eona. Ke tsoanela ho tiisetisa Lentsoe leo.

48 Ka re, " 'Na, hola e se be ka baka la Lentsoe la Molimo, koana ke tsebile Molimo o leng teng, nka ikahela motlotloana nqa e 'ngoe, motšeo koana British Columbia, morao koana Canada, lithabeng moo ke sa boneng motho, hang ka selemo. 'Me teng ke utloe Puo ea Molimo melapong e phoroselang, le ho Mo utloa A hoeletsa, ka phiri qhoeng ea thaba. Ke ntoo Mo utloa a hoeshetsa ka lifatehali tsa liphaene, le ho boha sefahleho sa Hae

se khabane seiponeng sa letša, ha se halimisa lithaba tse khōlō tse roetseng lehloa. Khele, nka rapela Molimo letsatsi le leng le le leng la bophelo ba ka, motšeo mono. Ke tseba hobane nka kholiseha ho feta ka Molimo, morao mono, ho feta ho utloa ka disophoro tsa kofi le meketjana ea tee, le ntho ena eohle eo re e fumanang kajeno, e bitsoang kereke; litumeloana, le litšomo, le lipale, le ntho eohle, e tlatsang litulo tsa Evangeli.”

49 Ke mpe ke bale Lengolo le itseng, ha ke re, 'me ke qale. Joale, pele re bala, ha re buisaneng le Eo Ea Le ngotseng, re sa inamisa lihlooho tsa rōna.

50 Bohle ba nang le kopo bosiu bona, bosiu bona ba Christmas-eve, ho ka ba le ntho e kang ena, “Oho Morena, ke motlotlo ka Krete pelōng ea ka, 'me joale ke batla ho atamela le ho feta pele. Ha ke batle ho khutlela sejelong kapa molikong, feela ke batla ho fetola pelō ea ka sejelo, e seng sa lesea Krete, empa Krete e leng Molimo, Emmanuele.” Na u ka e tsebisa ka letsoho la hao le lebisitsoeng ho Krete? Morena abe qelo ea hao.

51 Ntate ea Maholimōng, joale re phuthehile tlung e bitsoang ntlu ea thapelo, nqalong eo re tlelang ho rapela Morena Jesu mesebetsing eohle ea Hae e meholo, le ho ruta Lentsoe la Hae, le ho lumela hobane Ke Lentsoe. Re U leboha ka bosiu bona, le ka menyetla e re emetseng ea bona, ho isetsa batho ba phelang Lentsoe la Molimo o phelang, haholo bao ba phelang ka ho Krete Jesu, ba nchafalitsoeng, ba tsoetseng bocha, ba fetotsoeng babopuo ba bacha. Le ka monyetla oo re o neiloeng ho behela bao e seng babopuo ba bacha ka ho Krete e—e linnete, ho re, bosiu bona, ba fetoloe babopuo ba bacha ho Krete. Nea motho mang le mang oa bana takatso ea pelō ea bona.

52 'Me bona, bosiu bona, haeba ba e-so khone pele, ba tle ba kenele ntho ena e ka lefatšeng lohle, Kereke ea katolike; sena, e *katolike*, e ka “lefatšeng lohle,” ea boapostola, bahalaleli ba Molimo ba tsoetseng labobeli. Aba sena, Morena. Motho e mong le e mong e be setho sa Eona. Hobane, Ke 'Mele, ha se moaho, empa ke 'Mele, 'Mele oa Krete, 'me re litho tsa 'Mele ona. Aba sena, Morena.

53 Lineo tse khōlō tse tsoang ho Krete li tšolleloe holim'a batho, bosiu bona, bao e leng litho tsa 'Mele. Ha se sephuthelo se koetseng, se sa kenngoang limpho tsa Keresemose, kamoo rōna batho ba lefatše re ka neanang, ho ananela lerato la rōna nqa e mong. E mpe e be tiiso eo ea Moea o Halalelang e theohelang moeang oa motho, ho ba abela Bophelo bo sa timeleng. Ba hlohonolofatse bohle, 'moho, Ntate.

54 Etsoe, bosiu bona, rea tseba, hore re phetse hantle re thabile, re ikomositse mollong o monate o futhumetseng, ka marulelo hloohong ea rōna, re nahana ka likete lefatše ka

bophara, ha ho moo li ka eang teng. Ntate ea Maholimōng, re hauhele, re fuoe kopo ena.

<sup>55</sup> Re U kopa ho hlohonolofatsa Lentsoe Le sa tsoa joale.

<sup>56</sup> Hlohonolofatsa molebeli oa rōna. Hlohonolofatsa diteraseti le batikone ba kereke, le mang le mang ea amanang le eona, e leng litho tsa 'Mele, tse tsoetsoeng labobeli. Hoba re e kopa ka Lebitso la Jesu. Amen.

<sup>57</sup> Joaloka ha ke qalile, nakoana e fetileng, ho bua, ha ke ntse ke bala ka bahalaleli. Santa Martini o tsoile bosiu bo bong bo batang, eaba o fihlela leqheku le robetseng, le hoamme ke serame, khorong. A bona batho ba iphethelang, athe ba ka fa leqheku la monna e—e kojoana ea mofuta, ha ba etsa joalo. 'Me a tseba hoba ke tšoanelo ea hae, koana ntaae le 'mae e le bahetene ba babeli. Empa e ne e le lesole, a ntoo hlobola kobo ea hae, a tšoara sabole ea hae a e khekhetha, ka lehare, likoto tse peli, a e apesa thaka la khale, a ntano ikela. 'Me batho ba mo tšeha, ba mo soma. Ha thoe, "Ke lesole la sesoaso! Lehlangya le le kakang!"

<sup>58</sup> Empa bosiu bo hlahlamang, a phaphama, liahelong moo a lulang teng, a kena ponong. A talima, a le ka phaposing, mono keha ho eme Jesu A teetsoe hare ke sehlopha sa Mangeloi. Keha Jesu A thathetsoe ka sekotoana sena, seaparo. 'Me A bolella Mangeloi, "Ana le tseba moo Ke e fumaneng?"

'Me a re, "Lekhale, Morena oa ka."

A re, "Ke Martini ea Mphuthetseng ka eona."

<sup>59</sup> Eaba Moena Martini o tsebile, mohlang oo, ebile pitso ea hae bosebeletsing. Hobane, eare ha a phuthela leqheku leo ka kobo eo, ke ha Jesu a le ka ho leqheku leo la monna. Efela haeba A le ka ho leqheku la monna, re le bitsa mokōpi kapa lefupatsela, le robetseng seterateng, Jesu a ka etela mang le mang oa rōna. O tsebile ke hona, "Seo le se entseng ba banyenyane bana, bana ba Ka, le se entse ho 'Na." Molimo re thuse ho e hopola.

<sup>60</sup> Joale, lōna ba tšoereng Libibele tsa lōna le batla ho tšoea mohlolitherō, ke batla ho bala libaka tse peli Mongolong o Halalalang bosiu bona, le leng ho Esaia, le le leng ho Santa Johanne. Ke batla ho bala ho Esaia, khaolo ea 42; le ho Santa Johanne, khaolo ea 12th. Ke rata ho bala Mangolo. Esaia 42 e qala ka 1, temana ea 1, ho theosa ho kenyeletsoa temana ea 7.

*Bonang mohlanka oa ka, eo ke mo tiisang; mokhethoa oa ka, eo moea oa ka o khahlisoang ke eena; ke behile moea oa ka holim'a hae: o tla tlisetsa Lichaba ho loka.*

*A ke ke a hooa, a ke ke a phahamisa lentsoe, a ke ke a utloahatsa literateng.*

*Ha a khaole lehlaka le robehileng, 'me a ke ke a tima lebonenyana le sa kubellang: o tla hlahisa ho loka 'neteng.*



*A ke ke a fokola leha e le ho tepella, a eso ho bee ho loka lefatšeng: lihleke-hleke li tla tšepa molao oa hae.*

*Ho itsoe ke . . . MORENA, ea entseng maholimō, ea a phutholotseng; ea anehileng lefatše, le . . . tsa lona; ea neileng batho ba ho lona phefumoloho, le moea ho ba tsamaeang teng:*

*'Na MORENA ke u tsebile ho lokeng, ke u tšoere ka letsoho, ke u bolokile, 'me ke u entse selekane sa sechaba sa ka, le leseli la Lichaba;*

*Ho tutubolla mahlo a lifofu, ho ntša ba holehiloeng kholehong, ho tsoa likholehong, le ba lutseng lefifing . . . teronkong.*

<sup>61</sup> Joale khaolo ea 12th ea Santa Johanne, ha re qaleng ka temana ea 17 le ho bala e . . . ho theohela temaneng ea 28.

*Bongata bo . . . le eèna bo ne bo paka, hore o bitsitse Lazaro bafung, 'me o mo tsositse bafung.*

*Ke ka baka leo hape ba bangata ba ileng ba mo khahlanyetsa, kahobane ba ne ba utloile mohlolo oo o entsoeng ke eèna.*

*Bafarisi ba bolellana ke hona ba re, Lemohang hobane ha le thuse letho? bonang, lefatše lohle le mo sala morao.*

*Ha bo ho le ba-Gerike har'a ba tlileng moketeng ho rapela:*

*Ba tla ho Filipi, oa Bethsaida oa Galilea, ba mo kōpa, ba re, Monghali, re rata ho bona Jesu.*

*Filipi a tla a bolella Andrease: 'me Andrease le Filipi ba bolelle Jesu.*

*Jesu a ba araba, a re, Nako e tlile, eo ka eona Mora motho a tla tlotlisoa ka eona.*

*Kannete, nete, ke re ho lōna, Ekare ha hlaku ea mabele e oetseng mobung e sa shoe, e tla lula e inotši: empa ha e-shoa, e hlahisa lijo tse ngata.*

*Ea ratang bophelo ba hae o tla lahlehelo a ke jona; empa ea hloang bophelo ba hae lefatšeng lena o tla bo bolokela bophelo bo sa feleng.*

*Ekare ha motho a ntšebeletsa, a ntatèle; (mamelang joale) 'me moo ke leng teng, ea ntšebeletsang le eèna o tla ba teng: ekare ha motho a ntšebeletsa, Ntate o tla mo tlotlisa.*

*Joale moea oa ka oa sisimoha; . . . 'me ke tla reng? Na ke tla re Ntate, u ntoele nakong ena: empa ke eona (morero) ntho eo ke e tletseng nako ena.*

*Ntate, tlotlisa lebitso la hao. Eaba lentsoe lea tla le e-tsoa leholimōng, la re, Ke se ke le tlotlisitse, 'me ke tla 'ne ke le tlotlise.*

<sup>62</sup> Joale, ke ntša mona, therō eo nkileng ka e sebelisa e fapane: *Benghali, Re Rata Ho Bona Jesu.*

<sup>63</sup> Mehleng ea pele, nkile ka atamela sehlooho sena, 'me, empa e batla e fapane le maikemisetso a ka, bosiuung bona. Joale, malulo ana ha a tloaela tema ea molaetsa oa Keresemose. Empa kea kholoa, kajeno, lōna, rading, le utloile *Banna Ba Bararō Bao Ba Bochabatsatsi*, le *Motsana Oa Bethlehem*, le *Bosiu Bo Khutsitseng*, le utloile bareri ba bua ka tsoalo ea Hae, le joalo. 'Me 'na, ke hlahisa Molaetsa oa ka oa Keresemose bosiuung bona, ka mora hoba le utloe tse ngata hakana thapama ena, le matsatsing a mabeli kapa a mararō a fetileng, eaba ke hopola ho e hloela e fapane, e seng ho tsoa Tsoalong ea Hae, koana ke tla e bua ka tsela esele. 'Me malulo ana a hlile ha a tloaeloa, empa re bona 'Nete ea Lentsoe la Molimo ka lintho tse sa tloaeloang. E tlile ka ntho e sa tloaeloang.

<sup>64</sup> E ne e le malulo a sa tloaeloang a Lentsoe la Molimo, ha batho ba Mo lemohile E le Messia, e seng malulo a tloaelo eo Bafarisi le Basadusi ba tlileng ka eona, ba ba bolella. E ne e le ntho e sa tloaeloang, ho bona Messia a tsoalloa molikong, sebakeng sa ho lepella ka lichafo tsa Leholimō, kamoo ba hopotseng A tla fihla, kapa kamoo ba—ba Mo tlalehileng a tla fihla.

<sup>65</sup> E ne e le ntho e sa tloaeloang, mohlang oo, nokeng ea Jordane, mohla “lithaba li tla thala joaloka liphelelu tse ncha,” 'me lenqosa le rongoa ho Mo etella pele. Sebakeng sa hore ho hlahle moprista ea rutehileng hantle ho tumisa ho fihla ha Hae, koana ho bonoa monna ea sefahleho se matšoala, le ka moriri o o molelele o makhisa, a itlamile ka letlalo la phoofolo, e le baki ea hae. A tsoa a lukela seretse, se khaolang maqaqalaine a hae, mohlomong, a re bolella molaetsa o hlile o sisimosa. A bolella Bafarisi le Basadusi, a bitsa baithuti bao bohle, “Lōna malinyane a bomarabe.” Ha se tloaelo ho monna ho etsa joalo, empa hape ke tsela ea ho fumana 'Nete, Bophelo, tsela e sa tloaeloang. Ha se tsela e bopeletsoeng, ea temalo, empa e le ka tsela e sa tloaeloang.

<sup>66</sup> 'Me takatso ea pelō ea ka bosiuung bona, ke ho re, ka Lengolo le sa tloaeloang lena, re fumane moelelo o nèpileng oa Keresemose, seo Keresemose ho rōna e se bolelang, mokhoa o re tlamang ho e sebetsa joale, kapa seo, mokhoa oo re tlangoang ho atamela Keresemose ena.

<sup>67</sup> Joale ka mona rea fumana, kamoo re balileng, ba-Gerike bana ba ne ba ratile ho 'Mona. Ba ne ba tlile ho fumana Jesu. Ntle le pelaelo bona, joaloka 'na le uena, re utloile tsa Hae, mesebetsi e meholo A e entseng, le therō ea Hae e khōlō, le ka lintho tse mohlolo tsa bophelo ba Hae, eaba o fetoha Motho ea sa tloelehang.

68 'Me ke lakalitse ho emisa ho lekana mona ho bua sena, ke re, e batla e le khafetsa, ha u fumana Molimo ka ho motho, u fumana motho ea hlileng a sa tloaeleha a sebelisoa ka mokhoa o hlileng o sa tloaeleha.

69 Ka hona, Jesu e be e le Motho oa mokhalo 'ona, eaba O hapa maikutlo a batho, ho fumana hantle feela seo A neng a le sona le hoba E ne e le Mang.

70 'Me, ehlile, ba-Gerike bana e be e le bomosalumele, bahetene, ka ha ba-Gerike ba rapetse melingoana. 'Me e le batho ba phahameng, be, nka re, e le babetli ba litšoantšo le boralipapali. 'Me ba ikahile ka bonono bo bongata, ba ne ba le joalo Gerike, bonono bo boholo ba ba-Gerike, ha bo eso etsiso e le ka mohla ho fihlela kajeno, bonono ba bona. 'Me e le batho ba phahameng, boralipapali.

71 'Me ebile, ba tsebile Molimo o itseng tao-tao. 'Me ba rapetse likete tsa eona. Koana ba utloetse ka Molimo oa bohohoholo o entseng mehlolo e meholo har'a Baheberu. 'Me ba boetse ba utloile ka Molimo ona, e kileng ea e-ba Molimo oa ba-Heberu o sebetsang mehlolo, mohlang oo A boetse a etetse naha ea bona koana, 'moho le bona hape. Eaba e khahla maikutlo a bona, eaba ba ea tla ho bona Jesu.

72 'Me le lemohe, ka tloaelo kamoo batho ba batlang ho fumana Jesu, ke ho fumana motho ea tsebang ho ba isa ho Eèna. Moetapele, kapa e mong oa basebeletsi ba Hae, ba Mo fumana ka mokhoa oo. Ka hona Jesu, haeba A khetha mosebeletsi, ka mehla O khetha motho ea tla tlisa batho ho Eèna, hobane morero oa Hae ke ho sebeletsa batho.

73 Joale re ba fihlela ba kentsoe ka pel'a Sefahleho sa Hae. Joale, ba-Gerike bana. Filipi, ba kopile Filipi, 'me Filipi a re, "Joale, motho ea ratang ho bona Morena oa rōna ke enoa. Ha se ho loka ha ke tla fuoa tlotla ka ho hlahisa ba-Gerike bana ho Morena oa ka, ke tla ea lata Andrease ho mphelehetsa." 'Me eaba ba tloha ho ea lata Andrease. 'Me Andrease le Filipi, ba babeli, ba fihla 'me—'me ba hlahisa ba-Gerike bana ho Jesu.

74 Joale, taba e khōlō ke ena, etsoe e le therō e sa tloaeloang. Hang hoba ba-Gerike bana ba supiso e Jesu, Jesu ha a Itšupa, kapa ha A Itsebisa bona. Hobane, u ke ke ua tseba Jesu joalo. Jesu ha a tsejoe joalo.

75 Empa hang feela, re bona Lengolong mona, mohla ba-Gerike ba tlisang, ba neng ba tlisoa ho Jesu, 'me ba kene ka pel'a Sefahleho sa Hae, ea ka Jesu a ka be a itse, "Be, sena ha se . . . Ke—Ke 'na Messia oa morabe oa ba-Juda, ke taba e lekantsoeng ke baporofeta, ka pululelo, ho theo ha le mengoaha e mashome. 'Me joale ke 'na enoa. 'Me 'na ke e . . . ke tsoetsoe ke Nazareth. 'Mè oa ka ke mo-Juda. Ntate oa Ka ke Molimo. 'Me joale ke tlile koana ho Itsebisa lōna ba-Gerike." Joale bonnyane e batla e le tšobotsi ea eona ea 1961 ena.

<sup>76</sup> Empa, le shebe, hang ha ba fihlisoa ka pel'a Sefahleho sa Hae! Ke ntho ea sehlooho eo, kenya batho ka pel'a Sefahleho sa Hae. 'Me hang ka pel'a Sefahleho sa Hae, Jesu o itse, "Ekare ha hlaku ea koro e sa oele mobung ea shoa, e itulela e inotši." Ntho e sa tloaeloang hakaale kang! Sebakeng sa ho amohela boitsebiso ba bona, seo A se entseng a ba supisa nqalo eo ba ka Mo fumanang ho eona. "Ekare ha hlaku ea koro e sa oele mobung ea e-shoa, e itulela e inotši."

<sup>77</sup> Ebe mona O entse'ng? O ba supisitse 'Nete e khōlō eo, mokhoa oa ho 'Mona. Ha ba khona ho 'Mona ka tšobotsi ea Bophelo Bosafeleng, a eme joalo feela ka tsela ea Hae. E ne e le Monna.

<sup>78</sup> Meso e 'maloa e fetileng, ke bone pono, ha e batlile ho ba hora ea borobong kapa ea leshome hoseng.

<sup>79</sup> Esale ke rapela Morena, ke utloa pitso ea khafeta a mpiletsang masimong a sele monongoaha, ho qalisa hang feela, lefatšeng lohle. Ke batla ho ea Norway, 'me ke batla ho ea Jeremane, Afrika, le lichabeng tse ngata, monongoaha, haeba Morena a ratile. Ke khooeletso e lutseng pelōng ea ka feela, ho ea.

<sup>80</sup> Eaba ke ntse ke rapela Morena, 'me mahlo a ka a bona pono. 'Me ke eme lekhateng leo, ke parola fuluru ka kena e— e phaposing e nang le basali ba babeli, ka ho qoholeha. E mong a eme k'haontareng, le e mong a le k'haontareng. Ba ntse ba rekisa linthoana tse fapaneng. Be, ka ema nakoana ho ipotsa eona. Ka ntso bona ho kena monna, eēna a reka ho mosali ea emeng k'haontareng *ena*, botloloana ea phefumu e romelloang e mong, mohatsae, mohlomong.

<sup>81</sup> Ka ntano nyoloha, 'me ka re, "Ebe phefumu ena e ja bo kae? Ke e batlela mohatsa ka, feela ke batla monko oa lilac. Ke rata di-lilacs."

<sup>82</sup> 'Me monna o itse, kapa mosali o itse, ke rialo, ntho... "Botloloana ena eo monna eane a e reketseng mohatsae, e-ja lisente tse mashome a mane, empa ha se monko oa lilac. Botlolo e 'ngoe ena, ea monko oa lilac, e-ja dolara e le 'ngoe le lisente tse mashome a robong a metso e robeli."

<sup>83</sup> 'Me ka re, "Ke tla e nka." 'Me ka hotolla sepache sa ka, ho ntša chelete. 'Me ka hopola ke mo neile lipampiri tse peli tse etsang dolara e le 'ngoe.

<sup>84</sup> Ebile o a e khutlisa, a re, "Monghali, chelete ena ha ke e tsebe." A mpuseletsa eona. 'Me e le pampiri chelete ea Canada ea didolara tse hlano.

<sup>85</sup> 'Me ka re, "Ntšoarele. Ke itse ke dolara." Ka re lekhateng leo, " 'Na ke e... ke momishinari. 'Me 'na, boromuoeng ba ka, ke fumana chelete e tsoang likhutlong tse fapaneng tsa lefatše. 'Me, tabeng ena, ke entse phoso."

86 Ha ho le joalo, a nkhutlisetsa pampiri ea didolara tse hlano. 'Me ka mo neeletsa pampiri ea dolara e le 'ngoe. Eèna a mpha chenche, 'me a re, "Mishinari?"

'Me ka re, "E, mofuma'li."

87 'Me ke sa qoqa le eèna, kapa ke mo shalimme, a sheba koana nqa mosali ea latelang, 'me eèna ea ka o riba-riba ka hlooho. 'Me a re, "Moratua, na ebe u lumela Moena Branham a nèpile, ha ho thoe rōna basali kajeno re tlameha ho phela kamoo a re boleletseng kateng, ka ho poma moriri oa rōna, le ka ho apara meaparo ea rōna, le lintho tse kang tseo?" Ha thoe, "Ana ha u mo hopole a fantse lebakeng eo?"

88 A re, "E." 'Me a re, "Qhoba, 'rato la ka. Uena, Ruth," kapa hore lebitso la hae e ne e le lefe; ho re, "u na le tšusumetso. E bolele."

89 Be, hang, ka itseba hoba ke hapuo e ponong, 'me ka tseba hobane ke basali ba babeli bao, ka mehla. Lea bona? Bao bona, ba babeli, ke kereke ea bonngoe le ea trintase. Ke tseo li eme mono.

90 Le ho re, "E." Ho re, "Ha ke hopole re tlamehile. Hobane, ha re eso bone mahlo a Hae. Ha re eso bone sebopeho sa Hae. Re ke ke ra tseba tšobotsi ea Hae, hobaneng re tlameha ho etsa joalo?"

91 'Me keha ke apere sutu ea ho hlahloba. 'Me ka bolella mosali eo, ka re, "Nakoana feela, lōna likhahitseli tsa ka. Lea bona, le hlile le tlameha ho phela feela ho latela Bibe, ho sa tsotelehe kamoo E neng e le kateng."

92 A re, "Empa ha re eso phele morao koana, 'me ha re eso 'Mone."

Ka re, " 'Na ke 'Mone." 'Me ka re, "Taba ke ena . . ."

93 Ka nahana, "Morena, joale, ke eme pontšeng ea likereke tse peli tse khōlō, tse bohlašana. Joale, U tlameha ho mpha bohlahele."

94 'Me eaba ke ikutloa ke qala ke bua. Ke batla hore le e hlahlobe. Ha ke eso e nahane, bophelong ba ka. Ka re, "Motho kajeno o tlameha ho itsoanela le mohlang oo, hobane esale motho ea tsoanang. O entsoe ka lithokutlo tse hlano. 'Me holane a ka ema a Mo sheba, hantle sefahlehong, le joale o sa ntse a tlameha ho fumana thusakutlo eo ea botšelela ea tumelo, ho lumela ho Eèna, ho sa tsotelehe kamoo A shebehang kateng. O tla tlameha ho lumela ho Eèna, leha ho le joalo."

95 'Me eaba ba itšira lifahleho ka lihlong, le ho re, "Ha re eso e bone, monghali, ka mokhoa oo," ba tloha ba ikela. Eaba ke retoloha ke kena masimong a boromuoa, ka tseba hobane e ne e le e—e—e mokhosi oa ho khutlela masimong.

96 Joale, lea bona, O ba supisitse, bona mono ka pel'a Sefahleho sa Hae, Krete o ba supisitse 'Nete. O boletse mokhoa oa ho 'Mona, e ne e le ho ea sefapanong. E hona mono, sefapanong.

“Ekare ha hlaku ea koro e sa oe, e itulela e inotši.” ’Me hola A se ke a shoa, O ne a tla—a tla itulela a inotši, ka bo-Eèna, holane A sa shoa. Empa, Eèna, ke hlaku ea koro e oetseng mobung. “ ’Me ekare ha e oela mobung,” O boletse, “e hlahisa lijo tse ngata, haeba e oela mobung ’me e e-shoa.” Pele, e ka khona ebe hlaku e phelisitseng, ho seng joalo e sitoa ho beha letho. Empa pele e tlameha ho ba le bophelo ka ho eona pele e ka oela mobung. ’Me ka ho Eèna O ne a ruile Bophelo Bosafeleng, hobane E ne e le Emmanuele. ’Me O ne a tlamehe ho nehela Bophelo ba Hae ka Sebele, hore A tle a hlahise Bophelo hape.

<sup>97</sup> Nkang, mohlala oa koro. U re, “Ebe hlaku e le ’ngoe ea koro e khona joang?” Se etsahalang ke sena. Hlaku e le ’ngoe e a kena, e hlahisa lihlaku tse lekholo. Lihlaku tse lekholo li a kena, li hlahisa lihlaku tse sekete. Lihlaku tse sekete li a kena, ’me li hlahisa lihlaku tse milione. Lihlaku tse milione li a kena, ’me li hlahisa e—e ngata e sehlopha. Le joalo, le joalo, le joalo, ho fihlela e fepile lefatše lohle.

<sup>98</sup> Ke sona seo A se lekantseng. “Ekare ha Ke iphelela Bophelo ba Ka, ke e-shoa ka tsela ena, Ke mpa ke iphelela Bophelo ba Ka ke inotši, be, ha ho le joalo, ha ho litholoana tse tla Ntatela. Empa ekare ha Ke oela mobung, ka thato ea Molimo, ke hona Ke tlang ho hlahisa Tsoalo e ncha. ’Me ka Tsoalo e ncha eo, e tla hlahisa Tsoalo e ’ngoe e ncha, le e mong ka Tsoalo e ncha, ho fihlela lefatše lohle, le jaliloe; Evangeli e boletsoe.” “Evangeli ena e ka khona e bolelloe lefatše lohle, ho paka ka ’Na. Mehlolo ena e tla tsamaea le ba lumelang.”

<sup>99</sup> Ka hona haeba rōna, bosebeletsing ba rōna, le mehopolong ea rōna, le bophelong ba rōna, haeba re itulela re le tjena, ha re thuse letho. Le rōna re tlameha ho shoela aletareng, ho seng joalo re iphelela re inotši; re tla phelela bolumeli bo itseng kapa tumeloana; re tla phelela mokhatlo o itseng. Empa ha re ichoella, Moea o Halalelang o tla jaloa hohle, ke melomo ea rōna. Re tlameha ho shoa. Bongata, kajeno, ho a tšoana le hona joale. Hore haeba . . . Re tšoanela ho lemoha hore re tlameha ho shoa, ho hlahisa bophelo bo bocha. Ka mantsoe a mang O lekanya tjena, “Ha le batla ho Mpona, le tšoanela ho shoa. Ho ichoella, ’me le tla hlahisa bophelo bo bocha.”

<sup>100</sup> Joale, haeba re batla ho ’Mona, haeba u lebeletse ho ’Mona, u ke ke ua ’mona ka ho ingolisa ho itseng le kereke, buka e itseng ea melao eo u e bolokang, litumeloana tse itseng tseo u li sebeletsang. U tla ’Mona ha u e-shoa. Ha u tla Kalvari ’me u ithakhisa, ke hona u tlang ho bona Jesu. Re rata ho ’Mona.

<sup>101</sup> Pele, le pele A bua letho, O ba supisitse moo ba ka Mo fumanang teng. Joaloka Balichaba bohle, kapa batho bohle, u fumana Jesu sepanong, ha u thakhisoa le Eèna.

<sup>102</sup> Kajeno, re leka ho Mo fumana nthong e ’ngoe le ’ngoe. Re leka ho Mo fumana moahong oa kereke. Re leka ho Mo

fumana bolumeling bo lebitso. Re leka ho Mo fumana ka ho thothokisa tumeloana e itseng. Re leka ho Mo fumana ka ho boloka matsatsi, ka ho phethisa meetlo e itseng. Empa re ke ke ra fumana letho, pele re e tla Kalvari. Teng rea thakhisoa, re oela leroleng la lefatše, le ho ichoella, le ho tsoaloa bocha. Ebe moo re fumanang Jesu.

<sup>103</sup> Oh, bongata bo bokaale bo a leka, kajeno, ho tiisetša le ho boloka mohopolo oa lōna. “Ke iphumanetše tsela ea *ka*. Ke lumela *senā*.” Empa u ke ke ua fumana Kreste pele u ichoella, le ho Mo amohela, e leng Lentsoe, ke mohla u fumanang Bophelo. Ha re boneng.

<sup>104</sup> Ho fapane hakakang kajeno! Ho fapane hakaale ka’ng kajeno, kajeno, ka likereke, kapa barutuoa ba kajeno! Ba etsa’ng, haeba u fihla ho barutuoa kajeno?

<sup>105</sup> Barutuoa bao, pele ba etsa eng, ba isitse ba-Gerike bana ka pel’a Sefahleho sa Jesu. ‘Me haeba E le eēna maobane, kajeno, le ka mehla, O tla tlameha ho itšoara ka ho tšoana haeba u isoa ka pel’a Sefahleho sa Hae.

<sup>106</sup> Barutuoa kajeno ba fapane haholo, ba kajeno. Ba leka ho u isa poremeng, kapa sejelong, kapa ho Santa Klause, kapa ho moutloa o mohatla oa Paseka, kapa ntho e itseng, sebakeng sa Kreste. Ha ba ke ba u kenya ka pel’a Sefahleho sa Kreste. Keresemose ha se Kreste. Che. Kajeno, ba u fihlisa, nqalong e itseng, ho seemahale sa mofuta, kereke e itseng, mokhatlo o itseng, melao e itseng ea thuto, empa ha u fihlisoe ka pel’a Sefahleho sa Kreste.

<sup>107</sup> Morutuoa oa ’nete, oa makhonthe o tla u kenya ka pel’a Sefahleho sa Kreste ka kotloloho. ‘Me ho tloha mono, Kreste o tla u bontša seo u neng u tlameha ho se etsa.

<sup>108</sup> Joale, “Moea o tsoile ho Keresemose,” motho o itsalo kajeno. Ke ba utloile rading, e le monna ea ngangang, moreri, mabapi, “Batho ba bangata kajeno ba re, ‘Keresemose ha se *senā*.’ Me ha rea tlameha ho ba le Santa Klause le lintho.” Eaba thaka leo le leka ho totobatsa ntlha ea lona, ho re, “Ha u ka ntša Santa Klause ho Keresemose, o felisitše moea.” U felisitše moea oa Santa Klause, ke ’nete. ‘Me moea oa Santa Klause ha se . . .

<sup>109</sup> Santa, tšomo ea mofuta ea Jeremane, moetlo oa Katolike ea Jeremane, ha se moea o etsang Keresemose. Moea oo Kreste a o supileng ke Moea o Halalelang, ’ona ha se ho keteka, empa ho rapela Molimo o phelang.

<sup>110</sup> Empa o itse, “Ha u ka ntša Santa Klause, moea oa Keresemose o senyehile.” Le ka nahana ka moreri ea rialong moeng? Empa o itsalo, ho itsoe, “Ha u ntša Santa Klause, ha u sa fumana moea oa Keresemose.” Be, ho ka ba joalo, haeba ho sebelisoa lentsoe *’misa oa Kreste*, le ka tšoha le sa fumane letho le le kaalo mono.

111 Empa ha u ntša Santa Klause bophelong ba hao, ho bula pelō ea hao le ho lumella Krete ho kena ka hare, ho shoa nqa lintho tse na tsa lefatše, hore u fumane Keresemose ea mannete. E.

112 Ho fapane haholo, le seo e kileng ea e-ba sona, empa e fetohile. Ha se—ha se, Krete ea fetohileng. Barutuo a kajeno ba fetohile haholo papisong le barutuo a ba khaleng. Kajeno, barutuo a ba tlisa libui, kapa babatli, ke rialo, sebakeng sa . . . Barutuo a ba khaleng ba kentse 'matli ka pel'a Sefahleho sa Molimo. 'Me kajeno, barutuo a ba kajeno, ba ba kenya ka pel'a sefahleho sa mokhatlo oa kereke ea mofuta, boikamahanyo ba mofuta, tumeloana ea mofuta, thuto ea mofuta, sebakeng sa ho ba kenya ka pel'a Sefahleho sa Krete.

113 Re nka lentsoe *Keresemose*. U utloa Lebitso la Krete le bitsoa seelo. Ha u Le utloe le bitsoa. Mabone le maseli 'ohle a khantšitsoe holim'a Santa Klause, e seng holim'a Krete, ebile batho ba batla ba sa tsebe morero oa Keresemose hantle. Ba e fetotse bohetene feela le ho e fetola bohetene, ho fihlela ntho eohle e le bohetene. Ke letsatsi le lehlo la mekete ea papatso. Joale, haeba ba batla ho etsa letsatsi la papatso le kang letsatsi la 'mè, kapa letsatsi la ntate, kapa letsatsi la mora, kapa letsatsi la morali, ho itoketse ka hohle. Feela le those papatso eo holim'a Keresemose. Ke bone letšoao nakoana e fetileng, ho thoe, "Khutlisetsang Krete ka har'a Keresemose."

114 Joale, ba u isa kerekeng, u ithuta tumeloana. Ba u isa Keresemoseng, ebe u etsa'ng? U bona Santa Klause. Ba u isa kerekeng, u bona mokhatlo.

115 Empa Krete u ba tlisitse sefapanong. 'Me ha u fumana morutuo a makhonthe ea tlang u supisa Krete, Krete o tla u tlisa sefapanong, moo u thakhisoang le Eèna. 'Me Bophelo Bosafeleng ba Hae le bophelo ba hao li kopana 'moho, 'me bophelo ba hao bo a shoa, 'me u nka Bophelo Bosafeleng ba Hae, 'me joale u mora oa Molimo. Amen.

116 Ke phapang e kaale ka'ng, lipakeng tsa morutuo a oa khaleng le morutuo a oa kajeno!

117 Ha u ka bolella morutuo a, "Ke rata ho tseba Morena Jesu."

118 "Be, joale sheba, re setho sa kereke e *itseng*, theoha u ingolise mono, ingolise le rōna." Lea bona? Kapa, "Re ne re . . . Re litho tsa sosaiti e *itseng* ena, tloo u joine ntho *eo*." 'Me ke sona seo u se utloang.

119 Empa Krete ka Sebele o supisitse batho lefung la Hae, 'me ho itsoe, "Ekare ha hlaku ea koro e sa oele mobung, e itulela e inotši."

120 Oh, ho fapane hakakang! E, monghali. Ho fapane hakakang! Empa bophelo ba hao le Bophelo ba Hae bo a kopana 'moho, e seng kerekeng, e seng ka har'a mohaho, e seng ka har'a tumeloana, e seng mesebetsing e molemo, empa sefapanong moo



u thakhisoang le Eèna. Ke hona moo u fumanang Kreste. Ha u Mo fumane ka ho etsa botle, ka ho phetla leqephe le lecha. Ka ho qala bophelo bo bocha, ha u fumane Kreste. U fumana Kreste feela lefung; e seng sejong, e seng maipolelong. Ka ho lumela litumeloana tse itseng le litšomo, ha u fumane Kreste mono.

<sup>121</sup> Mosebeletsi oa 'nete o u isa ho Eèna, 'me Ke Lentsoe. U re, "Ha ho le joalo, Moena Branham, haeba Kreste a le holim'a lefatše kajeno, mosebeletsi oa mannete o tla mo isa ho Eèna, Kreste." Be, Kreste o teng mona, ka sebopelo sa Lentsoe. 'Me Lentsoe le hlahisa Bophelo, hobane Ke Lentsoe. Kreste ke Lentsoe. E, monghali. Ke Lentsoe, ka Sebele. Mosebeletsi oa mannete o u isa Lentsoeng ka mehla.

<sup>122</sup> Joale, Ke Lentsoe. Ke Bibeletsi ena e phelisoang. 'Me ha u ichoella, le Kreste 'moho, joaloka hlaku ea koro, Lentsoe le phela ka ho uena, le hlahisa liphetho tse tšoanang le tsa Lona ka har'a hlaku Eo ea koro e phelang e neng e tlamehe ho oela mobung. Amen. Le banka-kabelo tsohong ea Hae. Le banka-kabelo le Eèna, ba mahlohonolo a Hae 'ohle, ba boiponahatso bohle ba Hae. Le nka kabelo le Eèna, ho sohle seo A se entseng.

Joale, Ke Lentsoe ka botoloki ba Lona bo nèpahetseng.

<sup>123</sup> Joale u re, "Oh, rōna re lumela Bibeletsi, monghali. Re lumela Bibeletsi."

<sup>124</sup> Empa joale, haeba u lumela Bibeletsi, Jesu o buile taba ena Bibele, Santa Johanne 14:12, "Ea lumelang ho 'Na, mesebetsi eo Ke e etsang o tla e etsa le eèna." Ke bona botoloki bo nèpileng ba Bibeletsi, hobane Molimo ka Sebele sa Hae ka ho uena, u boela a bua a Itoloka. Thoriso! Ke boo botoloki ba 'nete, Molimo ka ho uena, o toloka Mantsoe a Hae ka sebele. Amen. Na Jesu ha a bolela, "Mehlolo e tla tsamaea le ba lumelang ke eona ena"? [Phutheho e re, "Amen."—Mohl.] Molimo ka ho uena, A ntse a Itoloka ka sebele. Ha u a tlameha ho shebella motho ea itseng. Ho re, "Lentsoe le bua *sena*." Lumela ho Lona, 'me ke Lona le tlang ho Itoloka, hobane Molimo u sebelisa uena ho toloka Lentsoe la Hae ka sebele. Amen. Kreste ke tlhaloso e phelang ea Lentsoe la Hae ka sebele.

<sup>125</sup> Ha re shebeng tse ling, ka moo A toloka Lentsoe kateng, joale, haeba A tšoare botoloki bo nèpileng.

<sup>126</sup> Joale re theohela tlase mona ho Bamethodise, ba re, "Rōna re toloka hantle." Mabaptise, ba re, "Rōna re toloka hantle." Presbeteriene, "Rōna re toloka hantle." Church of Christ, eo ho thoeng ke eona, "Rōna re toloka hantle." Bohle ba tšoare "botoloki bo lokileng"? Bohle ba fapane, e 'ngoe ho e 'ngoe. Ka hona, phoso e teng.

<sup>127</sup> Joale, mokhoa o le mong oa ho fumana, ke ho fumana ka moo Jesu a boleletseng Bajuda ho toloka Lentsoe. Amen. 'Me haeba Kreste a itsalo, ke hona ho lokileng.

128 Bamethodise ba re, “Ka moo baena besō ba Le tolokang, lekhotleng.” Babaptise a re, “Ka moo re Le tolokang kateng.” Mapresbeteriene a re, “Ka moo re Le tolokang kateng.”

129 Empa ke ka moo Jesu a Le tolokileng kateng, ke hantle. Ha re shebeng ka moo A tolokileng Lentsoe kateng. O itse, “Ekare ha Ke sa etse mesebetsi ea Lentsoe la Ntate oa Ka, le se ke la lumela ho 'Na.” Ke phetho. O Le tolokile joalo. O itse, “Ha le sa lumele ho 'Na, le mpe le lumele mesebetsi eo Ke e entseng. 'Me ekare ha Ke sa etse mesebetsi ea Ntate oa Ka, le se ke la e lumela, ho hang.” Amen. E lutse e le joalo.

“Ea lumelang ho 'Na, mesebetsi eo Ke e etsang o tla e etsa le eèna.”

130 Joale, ho lokileng le ho phoso ho tlamaha ho ba teng. Kapa, ho seng joalo, re etsa 'ng? Re ntse re bapalla 'ng? Re ntse re etsa 'ng, ha re tsamaea hohle mona, re ikentse Bakreste, re etsa *sena*, *sane*, le se *seng*, re ikopanya le litumeloana *tsena*, re tsukutlana ka matsoho le Pentekosta *ena* ea mofuta, kapa *eane*, kapa Methodise, kapa Presbeteriene, kapa Baptise, kapa Katolike? Ho ka thoeng ka eona eohle? Re ntse re etsa 'ng, ha re bapala maipatile ana, katse le toeba? Re ho kae?

131 Hape tsela e 'ngoe feela, motheo o mong feela. Tsela e tiileng e 'ngoe feela, eona ke eo Jesu a tolokileng Lentsoe ka eona. Allelua! Ke bona botoloki bo lokileng. Ha thoe, “Ekare ha Ke sa etse mesebetsi eo Molimo a Mpoletseng Ke tla e etsa, le se ke la lumela ho 'Na.” Amen. Ke bona botoloki boo.

132 Botoloki ba kajeno ke bona, Jesu o itse, “Ea lumelang ho 'Na, eona mesebetsi eo Ke etsang o tla e etsa le eèna.” 'Me Lengolo le boetse le itse, “Eèna maobane, kajeno, le kamehla.” Jesu o itse, “Le ka tseba ka hona haeba Ke tsoa ho Molimo kapa che.” Mokhoa oa ho tseba ke oo.

133 Ba itse, “Joale, bea butle motsotso. Re na le Abrahamana, ke ntata rōna.” O itse, “Bontata rōna ba jele ba jele manna feelleng.”

'Me Jesu o itse, “Bohle ba shoele.”

“Re noele lefikeng le khéphotseng.”

“ 'Me bohle ba shoele.”

134 Ha thoe, “Empa ke 'Na Bohobe boo ba Bophelo bo tsoang ho Molimo, Leholimōng.” “ 'Me ha se 'Na ea buang, ke Ntate oa Ka ea ahileng ka ho 'Na. Ke Eèna Toloko ea Lentsoe le Mokhethoa leo. 'Me O boela a paka hore Ke Molimo, hobane O sebetse ka 'Na seo A boletseng A tla se etsa.” Amen. Ke Lengolo leo.

135 Ke oona Molaetsa o isetsoang batho; e seng moalo oa lesea, e seng sejelo. Ha ho buuo ka Keresemose Bukeng eohle ea Libibele. Le ka mohla Jesu ha a eso ba supise tsoalo ea Hae, empa lefung la Hae.

136 Ha ho mohla Jesu a itseng, “Ikopanye le kereke.” Ha ho mohla A itseng, “Thothokisa tumeloana.”

137 Empa O itse, “Tloong ho 'Na.” 'Me O itse, “Ea tlang eèna, mesebetsi eo Ke e etsang e tla mo latela joaloka ka 'Na.”

138 “Hoba ha Ke sa etse mesebetsi ea Ntate, le se ke la lumela ho 'Na. Hoba, Lentsoe le boletse, Messia mohla a tlleng, lintho tsena li tla etsahala. 'E tla ba moporofeta.' E. 'E tla be e le moporofeta. E tla seboni joaloka Moshe.' 'Liritsa li tla tlolaka joaloka khama. Lifofu li tla bona. Litholo li tla utloa. Le lumumu li tla bua. E tla ipontša, ka ho Eèna, ka moo A tlang ho etsa lipontšo tsa Messia.' Joale, ekare ha lipontšo tsa Messia li sa nêtefatse tšebetso ea Ka,” O boletse, “le se ke la lumela ho 'Na. Empa, mokhoa oo le tolokang Lentsoe ke ona.” O itse, “Ekare ha Ke se na lipontšo tsena, le se ke la e lumela. Empa haeba Ke hlahisa lipontšo, 'me le sa lumele ha Ke toloka Lentsoe, le mpe le lumele lipontšo, hobane tsona li bua ka Lentsoe.” Ke eona tlhaloso e nêpileng ea Lona. Ke eona. Ke Molaetsa oo.

139 Ha u a tlameha ho nka Lentsoe la motho. Ha u a tlameha ho ingolisa kerekeng efe. U ke ke ua ingolisa Kerekeng. U ke ke ua ingolisa le mekhatlo ena. Empa Kereke ea Molimo, u tsoalloa ho Eona, ho tsoa Kalvari.

140 Ho thoe, “Ho bokoe Molimo! Ke entse joalo, le 'na, Moena Branham.” Ke moo mesebetsi eo Jesu a e entseng, u tla e etsa le uena. Ke seo Jesu a se buileng. Lea bona? “Mesebetsi eo Ke e etsang. . .” Eng? O itse, “Mesebetsi eo Ke e etsang, e paka ka 'Na.” Allelua! “Mesebetsi eo Ke e etsang, e a paka.” Ha le bone na? Ka mantsoe a mang, “Lipontšo tsa Messia, na ha le bone seo Messia a neng a tla se etsa? 'Me ha le sa lumele hoba Ke tsoere tlhaloso e nêpileng ea Lentsoe, hobaneng Ntate oa Ka a e tšehetsa? Le hopola Ke le thata holim'a mekhatlo ea lōna,” O boletse, “haeba le lumela Ke hlile—hlile ke khohlahetse. 'Me le Mpitsa 'monna oa lehlanya,' Ke 'na le motemona,' Ke lahlehetsoe ke kelello ea Ka.”

141 Ba itse ho Jesu O ne a hlanya. Ho *hlanya* ho bolela “ho hlakana.” “U hlakane. Ha U setho sa lihlopha tsa rōna. 'Me ka ntle mona U tsoana le monna oa lehlanya. U lahlehetsoe ke kelello ea Hao.”

142 Eaba Jesu o ba bolella, sena, “Haeba lōna le le ba Molimo, li kae lipontšo tsa Molimo? Haeba le lumetse Moshe, lipontšo tsa Moshe tse le salang morao li kae? Haeba le lumetse baporofeta, e kae pontšo ea baporofeta ho lōna? Ha le sa lumela hobane botoloki ba Ka bo lokile, le mpe le lumele lipontšo, hoba ke tsona tse Mpakang hobane Ke lokile.” Allelua! “Ke tsona tse Mpakang. Li kholisa hore Ke lokile kapa che. Bohle bao Ntate a 'Neileng bona ba Le sala morao ba tla ho Lona. 'Me ha ho motho ea ka tsebang ho tla a sa bitsoa ke Ntate.” Hantle.

143 Leha, “A entse mesebetsi e mengata,” Bibe le boletse, “ha ba ka ba lumela ho Eèna, hobane Esaia o boletse, ‘Ba na le litsebe ha ba utloe; mahlo ha ba bone.’” Ba fufetse joaloka mankhane. Koana, ha ba khone ho e bona, hobane moporofeta o itse ba ke ke ba khona. Joale, kajeno ho itsoanela le mohlang oo. Yaa.

144 Ha thoe, “Haeba le sa khone. . . Ke sa etse mesebetsi. Ha se ‘Na ea etsang hoo, ea buang Mantsoe. Ha se ‘Na ea etsang mesebetsi, ka mantsoe a mang. Ke Ntate oa Ka. ‘Me ha le fêla le tseba seo Molimo o neng o le sona, Molimo e ne e le ‘Mopi. Molimo ke Oona o nong o le holim’a Moshe, ‘me Molimo o ka ho Moshe o boletse letsatsi la Ka pele. Molimo o no o le ka Testamenteng ea Khale,” O itsalo. Ke ho re, “Ea neng a le holim’a baporofeta, o le boleletse a re, ‘Moporofeta e Moholo o tla fihla tsatsi le leng, ‘me bana ba tla bokelloa ho Eèna.’ Ekare ha le sa lumele Lentsoe leo Ke le tolokelang lona, le mpe le lumele pontšo, hoba tsona li bua ka ‘Na.”

145 Oh, ha ba ka ba lumela. Bao, ha ba khona ho Le bona. E ne e le Molimo ka nama. Hobane, E ne e le eng? E ne e le Lentsoe le bonahalitsoeng. E ne e le seo Molimo a se tšepisitseng.

146 Mamele, Branham Tabernakele. Itlame letheka, bosiuung bona ba lintši tsa Keresemose. Lea bona?

147 Holane E ne e se eèna, Molimo o ka be o sa Mo nêtefatsa. Ruri. Ka mantsoe a mang, A ka be a itse, “Ke sehlopha sefe sa lōna (Bafarisi, Basadusi, kapa seo ba ka bang sona), ke monna ofe har’a lōna, ke moprista ofe oa lōna e moholo, ke moithuti ofe oa lōna, eo Molimo o mo sebelisang ho bolela Lentsoe la Hae le ho Le bonahatsa, ho re Le lokile?”

148 Be, ba ne ba tla re, “Banna ba rōna ba rutehile. Re bohlale. Re tseba Bibe le ho tloha molokong ho isa molokong.”

149 “Be, hape, hobaneng Molimo a sa Le phelise hape ka har’a banna bao, haeba E le Lentsoe la Molimo?”

150 Shebang. “ ‘Na le Ntate re Bang,” e seng bararō. “Re Bang.” Molimo o ka ho Eèna. Molimo o bua ka Eèna. Ha esale Eèna, empa ke Puo ea Molimo ka melomo ea motho. Allelua!

151 Le molumeli e mong le e mong ea leng ka ho Eèna, bosiuung bona, o ôliloe joalo, ho ôloa hakana, ho inehela ka botlalo hakana, ho fihlela mantsoe a hae a tšoana le Mantsoe a Krete. O a bua ‘me Lentsoe le etsoa nama. O a bua ‘me Lentsoe lea bonahatsoa. “Mesebetsi eo Ke e etsang le lōna le tla e etsa. Mehlole e tla tsamaea le ba lumelang ke eona ena.”

152 Esaia o boletse, khaolong ea 42, re sa tsoa bala, “Leseli le leholo le tlile.” Leseli! Oh, ha ke batle ho fapoha sehlooho. Empa Leseli le leholohali le kileng la chaba le chabile ka har’a Monazarene ea ikokobelitse eo, ea monyenyanane: Monna eo re sa fihlelang ho Eèna botle bo ka re khahlang; Monna ea se nang thuto, ha re bua ka nqa lefatše; Monna ea sa kang a tseba meetlo

le lintho tsa lefatše lena. Empa o khonne ho tlama batemona, ho tsosa bafu, le batemna ba thothomela.

153 'Me Molimo o Mo hlomphile ho tsoa Leholimōng, oa arabela, “Enoa ke Mora oa Ka ea ratoang.” E seng pontšeng ea barui ba ikakang, empa pontšeng ea sehlotšoana seo A se khethileng 'me A se bitsitse. Leseli le leholo!

154 Hobaneng? Leseli le leholoane le ne le bonesitse ho tsoa Lentsoeng la Hae. Lentsoe e ne e le eng? Kreste. E ne e le eng? Lentsoe le tsoselitsoeng Bophelong. 'Me Lentsoe le tsoselitsoeng Bophelong, le khantšitse Leseli le le holoanyane ho feta la mohlang A itseng, “Leseli le be teng,” ho Genese 1. Leo e ne le leseli la popo, e leng popo e felang, e tšoanelang ho oela fatše. Empa Lentsoe la Hae e ne le Bophelo Bosafeleng le Leseli la Bosafeleng. 'Me motho ea lumelang Hoo, o ne e-na le Leseli la Bosafeleng.

155 “Leseli le chabetse ba lutseng linqalong tsa meriti ea lefu,” Mattheu 4. “Ho tlisetsa Balichaba Leseli,” bona ba kileng ba tlangoa 'me ba nyatsitsoe ke Molimo, ka melingoana ea bona. Empa O tla joaloka Leseli.

156 O itseng? “Lentsoe la Hao ke Leseli tseleng ea ka, ke Leseli le khantšang maoto a ka—a ka, ho ntataisa.”

157 'Me kajeno, Leseli la Molimo ke Lentsoe la Molimo le pepesitsoeng, ke Leseli le bonahalitsoeng. Leseli ke mesebetsi ea Molimo, e boletsoeng ke Lentsoe la Molimo, le tsoselitsoeng Bophelong, 'me ke Leseli le le holoanyane ho feta la mohla mafube a popo. Amen. Leseli la lebone, tseleng. Khele! Oho Molimo! Leseli, Lentsoe!

158 Lefifing la rōna kajeno, le tletseng litumeloana le malumeli a mabitso, le tletseng litšisimoho le booaatla, lipelō tsa bona ba li bulela moea oa mabitla a mefuta eohle, e hanang hore Lentsoe lena ke 'Nete, 'me ho thoe, “Matsatsi a mehlolo a fetile. Ha ho ntho e kang kolobetso ea Moea o Halalelang, ho bua ka lipuo, baporofeta, le tse joalo. Li shoele khale, koana lilemong.”

159 Le ho bona Molimo, har'a lefifi, lefifi la tumeloana, lefifi la bolumeli bo mabitso, a nka Lentsoe a Hae le sehlopha sa batho ba tlang ho Le lumela, le ho khantša Bophelo ba Hae le Leseli la Hae. Ke Leseli le le ngata. Ke Leseli la Bosafeleng, le fetang la mohla mafube a tlholeho. “Leseli le be teng; 'me leseli la e-ba teng.” Ehlile bo.

160 Joale, Jesu ha a eso bue, joale, A re o tla ba isa Bethlehema. Jesu ha a bolella ba-Gerike, mohla ba tlileng, “Joale, beang butle motsotso feela. Haeba le batla ho E bona, Ke tla le busetsa Bethlehema moo ke tsoaletsoeng teng. 'Me Ke tla le phetela ka moo e etsahetseng motšeo koo.” E ne e se eona.

161 O ba supisitse nqalo e tlang ho tla, haeba ba batlile ho Mo tseba. “Ha le batla ho Ntseba,” ka mantsoe a mang, “Nke ke ka

le khulisetsa morao 'me ka le bolella tsa mohla Ke tsoalloang Bethlehema, le tsohle tseo. Ke tla le supisa moo Ke tlang ho thakhisetsoa lōna teng. 'Me teng mono, ha le ka thakhisoa le 'Na, la nka sefapano sa lōna la Ntatele, le tla tseba hoba Ke Mang. Ka puo e 'ngoè, ho tloha moo, ha le sa tla ithuta eona ka bonono ba lōna ba mehla ea khale. Lekhale."

162 "Be," u re, "Moena Branham, empa re ithuta Eèna ka bonono ba Bibehe." Che. Ha re etse joalo. Haeba re ithuta eona ka bonono ba Bibehe, hobaneng Bafarisi ba sa E fumana? Ha se ho ithuta Eona ka bonono ba Bibehe, hobane batakhi ba lehang ho e taka ba bangata. Empa Bibehe e lokile, empa Molimo ke Setaki.

163 Kajeno litumeloana li re, "Ingolise *mona*. Thothokisa thoko *ena*. Pheta-pheta Tumelo ea Baapostola. Ingolise kerekeng ea rōna. Tsukutla matsoho. Kolobetsoa, ka lebitso la 'Ntate, Mora, Moea o Halalelang." Tseo ke litumeloana tsa bolumeli bo lebitso. Hantle. Setaki ha se a taka setšoantšo joalo.

164 Setaki se takile, hoo, "Jesu Krete eèna maobane, kajeno, le ka mehla. Ea utloang Mantsoe a Ka 'me a lumela ho Ea Nthomileng o na le Bophelo Bosafeleng. Mesebetsi eo Ke e etsang o tla e etsa le eèna. Mehloho e tla tsamaea le balumeli ke eona *ena*." Seferefi se e ferefile joalo. Ka hona ha Molimo o halimisa seo, u a tseba hore u khantšitse botaki bo lokileng. Kathoko le moo, u tsoere kopi eo ea khale ea moshagane. Amen. Tsoara kopi eo ea khale ea moshagane, ea tumeloana ea mofuta, u lahlele ntho eo kantle ho monyako, bosiuong bona. 'Me u nke Leseli la Evangelii ea Bibehe, u lumelle Seferefi ho taka Krete ka ho uena. Amen. Ke ona mokhoa. Ke oona.

165 Che, ha A ba nkela sejeelong. Ha A ba isa Keresemoseng.

166 Esaia o itse, "Lebitso la Hae o tla bitsoa..." Khaolong eona eo, o boletse, "Lebitso la Hae e tla ba..." Che, ke khaolo ea 55 ea Esaia. Ho itsoe, "Lebitso la Hae le tla bitsoa ea Makatsang, Moeletsi, Khosana ea Khotso, Molimo o matla, Rabosafeleng." Amen.

167 Eka nka be ke fumane nako. Ke tlamehile. Ke rata ho qotsa therō ka le leng le le leng la ao: "Moeletsi, Khosana ea Khotso, Molimo o matla, Rabosafeleng, le ea Makatsang."

168 Ha re nkaneng le mohopolo oa ea Makatsang, motsotso, ea Makatsang. Oh, Esaia o itse E ne e le ea Makatsang. Ha re nahaneng lintho tseo A li buileng, tse Mo entseng ea Makatsang. Se Mo entseng ea Makatsang ke sefe? Mohla A itseng, " 'Na le Ntate oa Ka re Bang," ea Makatsang.

169 Mpoelleng Mofarisi ea neng a ka rialo. Mpoelleng moprista e moholo ea neng a ka rialo, Molimo o ntano e tšehetsa. Lea bona?

170 Ha thoe, “Ekare ha Ke sa etse mesebetsi joale, le se lumele letho leo Ke le buang. Empa ekare ha Ke rera sena, ke ho supa hobane Ke romiloe ke Molimo ho etsa sena.”

171 Ha thoe joale, 'me O itse, “ 'Na le Ntate oa Ka re Bang.” Ha se, “ 'Na le Ntate oa Ka re bararō.” Jesu o itsalo. Joale, tumeloana e re, “ 'Na le Ntate oa Ka re bararō.” Empa Biblele e itse, le Jesu o boletse, “ 'Na le Ntate oa Ka re Bang.” Hoo ho a Makatsa. Le bona mokhoa oa Molimo, “ho etsoa nama”? Allelua! Ha se motho oa bobeli, kapa oa borarō, kapa oa bone; empa Molimo ka Sebele. Jesu o itsalo. Ngangisa le Eèna, e seng 'na. Ke bua feela seo A se buileng. “ 'Na le Ntate oa Ka re Bang. Ha se 'Na ea etsang mesebetsi. Ke Ntate oa Ka. O ahile ka ho 'Na. Ekare ha le sa lumele ho 'Na; le lumele Lentsoe, hobane Ke Lentsoe. 'Me Lentsoe le entsoe nama, 'me Ke lona. Lentsoe le ne le le tšimolohong.”

172 Eèna mongoli oa Evangeli ena, Johanne, o itse, “Lentsoe le ne le le tšimolohong, 'me Lentsoe le ne le le ho Molimo, 'me Lentsoe e ne e le Molimo. 'Me Lentsoe le ne le etsoe nama la aha har'a rōna.”

173 Hoo ho etsa Eèna le Molimo Motho a le mong; efèla Molimo ha e le Lentsoe, 'me Ke Lentsoe. “ 'Na le Ntate oa Ka re Bang,” ke hona. Oh, e a Makatsa! E, monghali.

174 Re ka bua lintho tse ngata lebakeng leo, li a Makatsa, lintho tseo A li buileng!

175 Ntho e 'ngoe eo A e buileng, “Ke Leseli la lefatše.” Mpolelle moprista ea beng a ka rialong. Mpolelle bolumeli bo lebitso bo ka rialong. Mpolelle tumeloana e ka rialong. E a Makatsa.

176 “Ke 'Nete.” Oh, banna! Litumeloana tsa rōna li hole le 'Nete ka limilione tsa limaele. Tumeloana ha e khone ho pepesa Molimo. Tumeloana ha e khone.

177 Joaloka Elia ha a buile, hlorong ea Thaba Karmele, “Ekare ha Molimo e le Molimo, A arabele.” Tumeloana e ka sitoa ho etsa hoo. Che, monghali.

178 Empa Molimo o tla e etsa. Molimo ke Mang? Lentsoe, Lentsoe le pepesitsoeng. O tla e etsa.

179 “Ke Leseli la lefatše. Ke 'Nete e leng lefatšeng. Ke 'Na Tsela.” Ha ho tsela e 'ngoe haese Eèna. Ke pheto. U se ke ua tsamaea ka tumeloana. “Tloong ho 'Na.” Lea bona? “Ke 'Na Tsela, Leseli, 'Nete.” Seo sohle, O ne a le sona. Ao ke mantsoe a makatsang a builoeng ke Eèna. “Ke Tsela. Ke 'Nete. Ke Leseli. Ke 'Na—Ke oa Pele; Ke oa Morao. Ke Qalo; Ke Qetello. Ke Ea neng a le teng, ea leng teng, le ea tlang ho tla. Ke Motso le Lehlomela la Davida. Ke Naleli ea Meso. Ke Alfa ho fihla ho Omega. Ke Tsohle. 'Na le Ntate oa Ka re Bang. O ahile ka ho 'Na. 'Na Ke Eèna. Eèna ke 'Na.”

Ba itse, “Uena, u leng Motho, u iketsa Molimo?”

<sup>180</sup> Oh, joaloka ha A boletse Bafarisi khetlo le leng, “Le etsa phoso, ka ho se tsebe Lentsoe la Molimo, le matla a Molimo. Le etsa phoso, ka ho se le tsebe.” Ruri bo. Mantsoe a makatsang! Ho a makatsa!

Ha re nahaneng ka mesebetsi e makatsang, khetlo le leng. O entse’ng?

<sup>181</sup> E ne e le eng? Esaia o itse E tla be e le ea Makatsang. Mohla a Mo reang mabitso ohle ao, “Moeletsi, Khosana ea Khotso, Molimo o matla, Rabosafeleng,” sena sohle, o itse, “Ke ea Makatsang feela.” Mantsoe a Makatsang!

<sup>182</sup> Joale re tla bua ka mesebetsi e makatsang, motsotso. O entse mesebetsi efe e makatsang?

<sup>183</sup> Tsatsi le leng ha mokoloko oa mokhohlane o tsoa Naine—Naine. Mohlolohali, mora ea mong ho eëna, o ne a shoele, a robetse seleing, a sataletse, setopo, se nokiloe, se theosetsoa lebitleng ho patoa. A tsamaile leeto lohle ho tsoa Nazareth. Maoto a Hae, a opa, a thunthelitsoe, a khatetse, a tepeletse. A utloa sello seo. A talima. Ha theoha tseleng, mohlolohali e monyenyanane, a bokolla. Moshanyana oa hae, mora ea mong ho eëna, a robetse lepareng, a shoele.

<sup>184</sup> Ha etsahala, mono, hore a fete pel’a Jesu. Lefu le Bophelo ha li kopane, lea tseba; e ’ngoe e tlameha ho sutha. A re, “Emisang motho ea jereng.” Ho atamela a ama moshanyana. ’Me bophelo ba moshanyana, bo seng bo faletse ha re re matsatsi a mabeli, ba busetsoa. Ke bona lesira le qala le sisinyeha, ke bona batho ba qala ba sheba. ’Me monna ea neng a shoele, a ema ka maoto a hae, a tloha a kopela ’mè oa hae ka liphaka, mohlomong. Ke mesebetsi ea Molimo eo. E a makatsa! Ha ke re? [Phutheho e re, “Amen.”—Mohl.] Ehlile bo.

<sup>185</sup> Ke bona Jariuse, moprista e monyenyanane, ebile monna ea lokileng. A lumetse ho Jesu, feela a tlameha ho ngotla mohoasa, ka baka la batlatsi ba hae.

<sup>186</sup> Balumeli ba sekhukhu ba joalo ba bangata kajeno, ba tšaba ho kharameletsoa kantle ho kereke ea bona. Lea bona? Makoala, Molimo ha o sebelise ntho eo. Molimo o batla monna ea ka emang mono. Leha e qosa lefu, bo tiise. “Le se ke la tšaba ea tsebang ho timetsa ’mele, empa Ea timetsang ’mele ’me a isa moea lihlelang.”

<sup>187</sup> Jairuse. Ke Mo bona a etela lelapa la enoa—moreri enoa. Ho kena moo ngoana enoa, ea mong, oa lilemo tse leshome-peli, ngoanana e monyenyanane a robetse a hoamme, a shoele, a robalitsoe k’houchung. ’Mejana oa hae, o sa pheleng o robetse mono. Matsohoana a hae, a sehlefetse. Manala a hae a soeufetse. Melomo ea ha e honyetse. A bolailoe ke feberu, kapa ho hong. Mahloana a hae a tsepame a koetsoe, a koahetsoe ka ntho, mohlomong. Moriri oa hae o kanngoe. A likiloe ke lirosa. ’Mè le ntate, ba lla. Baahisane, ba lla. Ngoana ea mong ho eëna a iketse.



188 Ke 'Mona a kena phaposing eo. Amen. 'Me A qamaka. A e bone eohle. 'Me ba qala ba Mo tšeha. Eaba O ba ntšetsa kantle ho phaposi. E ne e Makatsa. Lea bona? Monna a le mong ea khonang ho laola letšoele lohle. Hore'ng ba sa bua letho? Ba tšabile ho bua letho.

189 Hore'ng ba sa ahlole Lentsoe kajeno? Ba tšaba ho e bua. Ke phetho.

190 Ho tloha a kena phaposing eo, a tšoara letsohoana, le batang leo, a ntano bua ka leleme le sa tsejoeng, kantle koana nqa e 'ngoe. Eaba moea oa ngoana eo o a khutla, a boela a phela. Mesebetsi e makatsang! E, ehlile e le joalo. E ne e le mesebetsi e makatsang, ea Mo paka e le ea Makatsang.

191 Nka bua ka Lazaro hape, mohla ba seng ba nokile 'mele oa hae, matsatsi a mane pele ho moo, ba maneha leloapi le leng ka mora leloapi le leng la linoko holim'a hae, ba mo phuthele ba boele ba phuthele mohlankana enoa ka lesela. 'Me e le eo, a robetse lebitleng, a bolile. Nko ea hae e hohlometse. Melomo ea hae e liketse sefahlehong sa hae. Liboko tsa letlalo li se li qalile ho mo ja. 'Me moea oa hae o se o tsamaile leeto la matsatsi a mane, kantle koana nqa e 'ngoe.

192 Kea 'Mona, mahetlana a Hae, a lekokoto. Oh, banna! Lefatše le ka be le itse, "Shebang ntho eo. Shebang Monna eane. Mo shebang. Athe le 'Mitsa, Molimo. Ke Eo, o theohela lebitleng, o lla likeleli tsa motho ea shoang." Bibe e Mo tlalehile a llile. Likeleli tsa rotha marameng a Hae, a hloephetsa, ka nako ha A theohela lebitleng. E ne e le Monna lekhatheng leo.

Empa ke 'Mona a re, "Phikolosang lejoe." Amen. Amen.

193 A fetola tema eo. Lazaro, ea seng a shoele matsatsi a mane, a ema ka maoto a hae a phela hape. Ke bona linoko li qala li phorotseha le kobong tse phuthetseng. Ke eng? Bophelo bo ne bo khutlile. Lephoka le nyametse. Nama e ncha e metse. Moea, o neng o etile tao-tao matsatsi a mane, o khutletse 'meleng oa hae, eaba monna o ema ka maoto a hae. Le bua ka ea Makatsang, Moeletsi, Khosana ea Khotso, Molimo o matla, e ne e le Eo. Ehlile, E ne e le eëna. Ke hantle.

194 Re fihlela mosali selibeng, mohla A emeng a qoqa le eëna metsotso e 'maloa, a 'molella ka banna ba bahlano ba hae mohlantso. A re, "Monghali, U tšoanetse u be u le moporofeta. Rea tseba, Messia mohla a tlileng, eo e tla ba pontšo ea Hae."

195 A re, "Ke 'Na ea buisang le uena." Ea Makatsang! Ha ke re? [Phutheho e re, "Amen."—Mohl.] Ea Makatsang!

196 Bosiu bo bong leotle ha le rora. Keha A robalitsoe, ke mokhathala, joaloka motho. A robetse, ke mokhathala. Matemona a hlapantse ho Mo qoelisa metsing bosiu boo. 'Me ba hopotse ba Mo khaolelitse, mohla liseili li tabohileng, masokoana a robehile, mokoroana o kheleletse metsi o ntse o

tlala. Ba titima ba khutla, barutuo ba re, “Kantse ha U tsoelle leha re timela?”

<sup>197</sup> Eaba O a tsoha, a hlohlora boroko mahlong a Hae. Ho re, “Oh, lōna ba tumelo e fokolang, Ke tla lula le lōna ho le ho kae?”

<sup>198</sup> “U tla etsa’ng joale? U tla etsa’ng kantle mona holim’a leatle le befiling ke sefelo athe, Galelea e khōlō ena, e teba tlasa leqhubu ka leng? U tla etsa’ng, diabolosi o lutse koana qhoeng ea thaba, o ntse a memetsa maqhubu joalo, ho a tjeba joalo?” A khathetse, lea tseba. Lea tseba, A le ka tlase koana. “Se pheula metsi, bophahamo ba maoto a mashome a mararo-kapa mashome a mane. Ebe U tla etsa’ng?”

<sup>199</sup> Ho re, “Ke tla lula le lōna ho le hokae?” A hata morumo oa mokoroana ka leoto la Hae a re, “Khutsa, u re tu.” Eaba meea e a bōba. Ka mantsoe a mang, O itse, “Moea, koala molomo oa hao. Maqhubu, khutlela ha henō.” Keha metsi a sa kokomoha ho hang. Ho ema mono le ho qamaka.

<sup>200</sup> Ho khutlela morao, keha sehlopha sa baapostola se eme mono se hloletsoe. Ho boela a theo, a tsoelapele borokong ba Hae.

<sup>201</sup> Ba itse, “Ke Monna ea joang enoa?” E a Makatsa! Amen. E a Makatsa! Ha le lumele hoba O ne a Makatsa? [Phutheho e re, “Amen.”—Mohl.] Ehlile. O ne a Makatsa. E, monghali.

<sup>202</sup> Koana, Monna eo ka sebele sa Hae o tsoile Maholimōng, athe moqhaka oa Hae e ne e le letsatsi lohle le mahlahana a lona, linaleli tsohle tse bilione tse fehiloeng lefatšeng, naleli ka ’ngoe. Limaele tse milione tseo mose oo, ’me ba sheba ka galase eo, kantle koana Mount Palomar, ’me ba bone lilemo tse limilione tse lekhōlo le mashome a mabeli tsa sepakapaka sa leseli, ’me linaleli tseo tsohle tse libilione le tse litrilione li ne li hlonngoe moqhakeng oa Hae. Eaba O li tlohela, ho ea nka mofapahloho oa meutloa. Ea ka etsang joalo ke mang? Ho a Makatsa! Oh, banna!

<sup>203</sup> Kobo ea Hae e ne e le ea Bosafeleng. O ne a apere Bophelo Bosafeleng. Ha A eso be le qalo. Ha A qala Bethlehema le ka mohla, lea tseba, joaloka ha batho ba leka ho Mo nahana. O ne a se na qalo. Amen. Ho apara Bophelo Bosafeleng, a E qhelela thoko, ho thonaka kobo ea khale e litšila ea lefu, sebakeng sa ka e uena. E a Makatsa! Uh-huh. Yaa.

<sup>204</sup> Leholimō e ne e le Paleise ea Hae. Leholimō lohle e ne e le la Hae. E ne e le Paleise ea Hae eo. Ha letho le beng le ka ipapisa le phatsimo ea Hae. ’Me O tlile lefatšeng. ’Me esitile ho itsoe, “Liphokojoe li na le mesima, le linonyana li na le matlo, empa ha ho moo Ke samelang hloho ea Ka.” Hoo o a makatsa. Ha le nahane joalo? [Phutheho e re, “Amen.”—Mohl.]

<sup>205</sup> Metsoalle, Ke ngotse likahare tse ngata mona. Empa nka tšoha ke sa fumane nako ho e finyella. Ke tla potlaka ruri.

206 Ke Jesu eo u tlamehang ho 'mona eo. Ha se Jesu oa bolumeli bo lebitso eo ba buang ka eëna; ha se Jesu oa litumeloana; ha se Jesu oa mofuta oa Keresemose ea khopolotaba; ha se Jesu oa pela e setono ea Paseka; empa Jesu oa Kalvari, Jesu Ea tetseng ntho e 'ngoe le 'ngoe, Eo baporofoeta ba buileng ka eëna.

207 Mona re ka khatha tema mona, “Ntate ea Makatsang, ea Makatsang, Ntate ea Makatsang, Moeletsi ea Makatsang, Khosana ea Khotso e Makatsang, Molimo o matla o Makatsang.” Re tsoelapele feela, ho tsoelapele, ho tsoelapele. Lea bona? Empa ho e beella kathoko, re bua sena, “Re tšoanela ho bona, haeba u. . . Ke Jesu eo re tlamehang ho 'mona, ho ka rua Bophelo Bosafeleng ba Hae.”

208 U ke ke ua e fumana ka hara tumeloana. U ke ke ua e fumana ka ho ingolisa le kereke. U ke ke ua e fumana ka tšomo u e bolelloang ea mofuta, Santa Klause. Santa Klause ha a na Bophelo Bosafeleng. Che. Tumeloana ha e na Bophelo Bosafeleng.

209 Ha se ho tseba Lentsoe la Hae, ho u neang eona; ho Le tseba, ha Le u fe Bophelo Bosafeleng. “Ho Mo tseba,” Bibeletse e boletse, “ho Mo tseba, ke Bophelo Bosafeleng.” Ha se ho tseba Lentsoe la Hae. Ho Mo tseba!

210 Ba-Gerike ba ratile ho 'Mona. Ba batlile ho tseba botho ba Hae. “Benghali, re rata ho bona Jesu.”

211 Joale, ha u bone ka mahlo a hao. U bona ka pelō ea hao. Lea bona? U sheba ka mahlo a hao. U utloisisa ka pelō ea hao. Ho *bona* ke “ho utloisisa.” Ha u sheba ntho hantle, ho re, “Ha ke e bone.” Empa feela u e shebile. Empa, u bolela, hore ha u e “utloisise.”

212 Ba-Gerike ba batlile ho tseba Jesu, 'me O ba neile mokhoa oa ho Mo tseba. Ho Mo tseba! Ha se ho tseba tumeloana ea Hae, ha se ho tseba Lentsoe la Hae, ha se ho tseba mehlolo ea Hae, empa ho tseba Eëna! 'Me mokhoa o le mong ho fumana hoo, ke sefapanong, e seng poremeng. Che. Ke sefapano seo ke se bonang. O ba supisitse sefapano, e seng nqa. . . E seng nqa tumeloana, kapa—kapa e seng sejelong sa mofuta, kapa tsamaisong ea malumeli a lebitso, empa sefapanong.

213 'Me joale ho a tšoana le kajeno, morutuo oa makhonthe, 'me haeba u tla fihla ho Jesu le ka mohla. A ke ke a re, “Jesu o ntaetse ho ea ngolisa le kereke ea *hore-ho-itseng*.” Ha a etsa joalo. Le kajeno A ke ke a etsa joalo. Che.

214 Ha u batla ho 'Mona, O tla u supisa sefapano. Ho ea teng le ho shoa, 'me u tla Mo tseba, haeba u batla ho Mo tseba.

215 Ha ho mohla A kileng a supisa motho ofe tumeloana efe, bolumeli bofe, kapa tsoalong ea Hae, kapa esita le Keresemose. Ha ho mohla A kileng a etsa hoo. Nka lieha nakoana mono, empa nke—nke ke. Koana, haeba e se bohlokoa, haeba Jesu. . . U ke ke

ua e fumana kahara Biblele, moo A supisitseng motho nqa esele, ho Mo tseba, ntle le sefapanong. Ke hantle. 'Me ke ho thakhisoa bo-uenana. "Motho ha a sa tsoaloe labobeli." Ka hona, haeba sejelo, Santa Klause. . .

216 Jesu ha a eso ngole tumeloana. Ha A eso hlomamise bolumeli. 'Me hobaneng re bo phahamisa hakaale, re bile re bo jarisa boikarabelo? Ke batla ho le botsa taba eo; Keresemose, joale. Hobaneng likereke tsa rōna li e phahamisa hakana, ho thoe, "U tšoanetse u be setho sa kereke *ena*. U tlameha ho thothokisa tumeloana *ena*. U tlameha ho etsa *sena, sane, kapa se seng*?" Hore'ng re e phahamisa hakaalo, haeba e se bohlokoa? E re supa re fumane morutuo oa mofuta o fapaneng le oa mehleng. Ba batla ho u kenya kerekeng ea bona, bolumeling ba bona, kapa tumeloaneng ea bona, 'me e seng ho Kreste.

217 Batho kajeno, ha ba botsoa, "U molumeli?" Ke botsitse sena, khafetsa. "U molumeli?"

218 Ba re, "Oh, Ke Baptise. Ke Methodise." Be, e u supa u se molumeli. Lea bona? Ke hantle. "Baptise, Pres- . . ." Empa u re, "Ke Pentekosta." Ha e amane le eona ka letho. Che, monghali. Molumeli ke 'mopuo e mocha. Empa ke hona moo ba e honyelelitseng teng, kajeno. Lea bona? Hobaneng ba etsa joalo? Batho ba buisoa ke'ng joalo?

219 Bosiu bo bong, ha ke etetse sepatala. Ke tla rapella mosalinyana ea kulang. O ile a fola. 'Me ka re . . . Mono ho lutse monna le 'mè oa hae. Ke kholoa e be e le 'm'ae. 'Me a batla a tšoana le 'm'ae. 'Me ke ntse ke qoqa le leleiti. Ka re, "Joale re tla rapela."

'Me ka hetla, "Na re ka rapella?"

A re, "Theola lesira leo."

Ka re, "Be, ke u kopile ho rapela feela."

A re, "Rōna re Methodise. Theola lesira leo."

220 Ka re, "Taba ena e tla u harola letsoalo. Nka mpa ka theola lesira, ua bona." Ka re, "Haeba u le Methodise feela, ha u Mokreste. Ke tla mpe. . ." Yaa.

221 Hobaneng ba rialo? Morutoana ea itseng oa bohata o ba tsamaisitse hakaalo feela. Ke phetho seo ba se tsebang, morutoana ea itseng ea rutuoeng ka bohata. Barutuo ba Jesu ba ba isitse ho Jesu. Morutuo oa Methodise o ba isa ho Methodise. Mobaptise o ba isa ho Mabaptise. Le Pentekosta e ba isa ho Mapentekosta. Empa morutuo oa Kreste o ba isa ho Kreste, 'me Kreste o ba isa Kalvari. Ke ntho ea makhonthe eo. E, monghali. E, monghali.

222 Ba fihlitsitsoe bohole boo. Ba isitsoe bohole boo feela. Lea bona? Efela ha ba—ba re, be, "Baptise, kapa Methodise, kapa Presbeteriene, kapa *eng*," ba tataisitsoe bohole boo feela,

“Katolike,” eng feela. Ba tsamaisitsoe bohole bo kaalo feela, ke phetho seo ba se tsebang ke hona.

223 Empa, ho lebohuoe Molimo, barutuoana bana ba tsebile Jesu. Eaba ba mo isa . . . Ba isitse ba-Gerike bana moo ba tsebileng 'Nete e le teng. 'Me motutoana oa 'nete oa Kreste, ea fumaneng Kreste le ka mohla, o isa ea—ea batlang ho Jesu ka kotloloho. 'Me Jesu o ba supisa Kalvari, moo ba shoang le Eèna 'me ba tsoaloe labobeli, bocha. Oh, banna! Ke hona moo e fellang teng.

224 Empa, “Benghali, re rata ho bona Jesu.” E ne e le potsotso. “Ha re rate ho bona tumeloana. Ha re rate ho bona Bamethodise. Ha re rate ho bona Baptise. Ha re rate ho bona hofe hona. Re rata ho bona Jesu.” Empa molato ke'ng?

225 Ke tlameha feela ho koala, baena. Le sekehe tsebe joale, litlhahiso tse 'maloa feela mona pele re koala. Eng? Ke batla ho e kokotella joale, haeba nka khona, ho e otlella tsi.

226 Ba-Gerike bana ba ratile ho bona Jesu. Ha a Mo fumana Keresemoseng. Ha A fumanoa mokhatlong o itseng. Ha A fumanoa tumeloaneng e itseng. Ha A ba supisa tse joalo. Na le e tšoare hantle? Empa O ba supisitse sefapanong, ho shoa, ho shoa. Morutuana oa makhontho o re, “U tlameha ho shoa.” Ha ke shoole ke tseba ka'ng? Ha u lemoha hoba Lentsoe lena lohle ke 'Nete, Lentsoe le qala le phela ka ho uena.

227 “Be,” u re, “empa kereke ea rōna e ruta . . .” Ha ke khathalle se rutoang ke kereke ea hao. Ke seo Biblele e se buang. Moo u kenang teng, kereke e 'ngoe e ruta ntho e fapaneng. Empa Biblele e na e ruta ka ho tšoana.

228 'Me Jesu o itse, “Nako le nako ha u amohela Lentsoe lena, Lentsoe lena le tla bonahatsoa ka ho uena. Le tla sebetsa ka ho uena seo Le boletseng Le tla se etsa.”

“Oh,” ba re, “matsatsi a mehlolo a fetile.”

229 'Me Biblele e itse, “Jesu, eèna maobane le ka mehla.” Ebe u ka e kopanya joang athe Jesu o boletse, “Ea lumelang ho 'Na,” hohle, nakong efe?

230 Mareka 16 e boletse, “E-eang ka lefatše lohle le bolelle sebopuoana se seng le se seng Evangeli.” Ha kae? “Ka lefatšeng lohle.” Ha eso finyelle mono le joale, “Sebopuoana se seng le se seng.” “Ea lumelang 'me a kolobetsoa o tla bolokeha. Ea sa lumelang o tla tsuoa. 'Me mehlolo e tla tsamaea le ba lumelang ke eona ena.” Ke moo. Lentsoe le tla etsa Leseli. Le tla Ikhalmisa.

231 E seng ha u ka ea moalong oa lesea oa re, “Lelea le ne le tsoalloe mona, khale koana lilemong tse fetileng.” Masaoana. Ho etsoa lithothokiso le litumeloana tsa mefuta eohle ka eona. Rea tseba Jesu o tsebile hobane ntho eo eohle e tla timela, e ferekane kahohle.

Empa ntho e sa ferekanang e 'ngoe feela, eona ke Moea o Halalelang.

232 “Oh,” e mong oa bona o re, “O tsoaletsoe mona hantle mona. Re hahile kereke holim’a eona.” E mong o itse, “O tsoaletsoe mona.”

233 Ho tea mohlala, na lea tseba ba fumane lipekere tse kae, ba ka e paka, lipekere tsa mantlha sefapanong? Leshome robong. Mang le mang o kokositse sepekere. “Sena, *rōna* re se fumane. Allelua, *rōna* re se fumane.”

Ba sa tsoa thola masapo a shoeleng a selo. “*Rōna* re le fumane. *Rōna* re le fumane.”

234 “Moo A tsoaletsoeng teng ke *mona*.” E mong o re, “Moo a A tsoaletsoeng teng ke *mona*.” Enoa o re, “Moo A tsoaletsoeng teng ke *mona*.” E etsa phapang efe?

235 Moo A tsoaletsoeng teng ke *mona*, ka pelōng. Yaa. Mohla ke ne ke eshoa, O tsoaletsoe ka *mona*. Ka na ka tsoaloa labobeli, ka ho Eèna, bocha. Ke eona.

“Benghali, re rata ho bon Jesu.” Ho lokile.

236 Be, molato ke ofe? O boetse o lahlehile. Batho ba lahlehetsoe ke Eèna. Ke hantle. Empa O boetse o lahlehile, ka hara matšoele a maholo, matšoele a litumeloana. Le sa hopola mohla A lahlehileng khetlo le leng, ho batsoali ba Hae? O boetse o lahlehile. O lahlehile.

237 Theoha ka literata tsena, joaloka ha ho etsahetse matsatsing a ’maloa a fetileng, sheba matšoele a hlanyang, a sututsa ’me a hatellana, le ho noa, le ho rohakana, le ho tlaila. “Litleloko, litleloko.” Kreste o lahlehile. Ha A lahleha. Batho ba lahlehetsoe ke Eèna.

238 Ba Mo fihletse kae? Moo ba Mo lahlileng teng. Ke hona moo re tla Mo fumana teng.

239 Empa O lahlehile, litumeloaneng tsa bona le matšoeleng a bona. O lahlehile. Kreste o lahlehile, kahara letšoele la khoebo. Letšoele la khoebo le re, “Re tlameha ho keteka Keresemose.”

240 Leleiti le buile tsatsi le leng, re eme mono, mohla ’na le mohatsa re emeng mono. Ha thoe, “Ke reketse ntate kotara ea wiski.”

241 E mong o itse, “Be, ke tla fumana. . . Ke tla u joetsa seo ke tlang ho se rekela ntate. Ke tla mo sella likarete tse ’maloa le lichipisi. Re tla bapala *strip poker*, lea bona, ho keteka Kresemose.”

242 Ba bang ba itse, “Ke sa tsoa rekela moma k’hatono ea lisikarete. Uena u tla mo fumanelang?” Huh! Huh!

243 Oho Molimo! O lahlehile. Ba lahletsoe ke Eèna, ka hara Keresemose. Ba lahlehetsoe ke Eèna, ka Paseka. ’Mutla o setono, kapa katiba e ncha; ha se tsoho, ha se tsoalo ea Kreste.

244 Ba lahlehetsoe ke Eèna, litumeloaneng tsa bona, mohla ba bopang melimo e merarō ka Eèna, ho Mo poma likotoana ’me ba

betla molingoana oa bohata, sebakeng sa ho tseba hoba ke Mang. “’Na le Ntate oa Ka re Bang.” Le lahlehetsoe ke Eèna.

<sup>245</sup> O lahlehetse, matšoele a bona a litumeloana. Matšoele a borapeli a entse’ng? O lahlehetse, kereke ea Hae, ka har’a Laodisea. Kereke ea ho qetela, mongoaha oa kereke, e Mo tlalehile a le kantle ho kereke, “a kokota,” a leka ho kena. Ke setšoantšo se haulang ho fetisa Bibeleng eohle, ke maemo a kereke matsatsing a bofelo pele A fihla. Ha ho mongoaha oa kereke o kileng oa Mo ntša. Ba ne ba sa tsebe phapang ea letho. Joale athe ba tseba matla a ’nete a Moea o Halalelang, feela ba Mo rahetse kantle ho sebaka, ka ntle, o kokota monyako. “Bonang, Ke eme monyako ’me kea kokota.” Ehlile.

Ba lahlehetsoe ke Eèna, matšoeleng a bona a khoebo.

<sup>246</sup> Ba lahlehetsoe ke Eèna, matšoeleng a borapeli ba bona. Ke hantle. Ba e fetotse litumeloana. Ba e fetotse malumeli a mabitso. Ba lahlehetsoe ke eona. Ba nkile e—ba nkile moetlo sebakeng sa Bibe. Ba amohetse hlaba ea mehopolo ea banna sebakeng sa seo Molimo a se buileng. Ba itse, “Ngola lebitso la hao bukeng. Tsukutla matsoho. Ke phetho seo u tlamehang ho se etsa. Kolobetsoa, ‘Ntate, Mora, le Moea o Halalelang.’” Ntho eohle e fosahetse. Ke hantle.

<sup>247</sup> Mona ke hona moo letšoele la kereke le lahlehetsoeng ke Eèna, mohla ba neng ba lahlehela ke Eèna. Hobaneng? E seng meahong ea kereke ea bona, e seng ho *reng-ho-itseng* hoa bona, sehlopha sa bona—sa bona sa batho. Empa ba lahletsoe ke Eèna mohla ba neng ba tlohela Lentsoe. “Ekare ha seo. . . Ekare ha le lula ho ’Na, le Lentsoe la Ka ho lōna, le ka kopa seo le se ratang. Le tla se neoa. Le tla se etsetsoa, ekare ha le lula ho ’Na, le Mantsoe a Ka a ahile ka ho lōna,” hobane ke Molimo, a boetse a entsoe nama. Lea bona? “Ha le lula ho ’Na, le Lentsoe la Ka a ahile ka ho lōna, le ka kopa seo le se ratang. Le tla se etsetsoa.” Ke eona.

<sup>248</sup> Empa, kajeno, ha ba lule. Bao, kajeno lena, Methodise, hosane Baptise, tsatsi hlahlamang Presbeteriene, ha ba e-so tsoe tema le joale.

<sup>249</sup> “Ekare ha Lentsoe la Ka ahile ho lōna! ’Me Lentsoe le ne le etsoe nama la aha hara rōna.” Allelua!

<sup>250</sup> Moena Neville, ehlile ke ’nete. [Moena Neville o re, “Oh, thoris! Kea e tseba.”—Mohl.]

Lentsoe le entsoeng nameng ea hao, le buang ka uena.

<sup>251</sup> Mapentekosta ba lahlehetsoe ke Eèna. Oh, e. Ba ne ba Mo fumane, lilemo tse ’maloa tse fetileng, empa ba lahlehetsoe ke Eèna. Ba e entse joang? Ka ho sheba ea ka hahang mohaho o moholohali, uh-huh, ea ka hahang kereke e khōlōhali, k’hoare e koetlisitsoeng ho fetisisa.

<sup>252</sup> Haeba ntho e le teng eo ke sa e rateng, ke lentsoe le koetlisitsoeng tlolo, e ka 'metso ea bona ha e sebetse, "whee" eo, ba bipetsa moea ba fifale sefahleho. Ba ntse ba sa bine. Ba hloliea feela.

<sup>253</sup> Empa seo ke se ratang, ke motho ea lokileng, oa mehla ea khale, ea pelohlomohi, oa mopentekosta ea tsoetsoeng labobeli, ea binang ho tsoa pelōng ea hae. Leha ba sa khone ho khema le pina, Moea o sa le teng mono. O E utloa e u hlaba kahare. Allelua! Ke rata seo. Ke rata maikutlo ao a ka morao, Moea o Halalelang o a e hlohonolofatsa, lea tseba. Ke rata seo. Ke ntho ea makhonthe feela, ho 'na. Yaa.

<sup>254</sup> Empa ba lahlehetsoe ke Eèna. Lik'hoare tse koetlisitsoeng le bareri ba koetlisitsoeng hantle. Oh, banna! Moriri oa mangetse a mefuta eohle, lea tseba, 'me ba lihela hlooho ea bona ka nqa *ena*, ba inka senepe. 'Me, oh, yaa, ba koetlisitsoe hantle. Ba hlile ba joalo. Ke hona ho koetlisoa hantle.

<sup>255</sup> Likolo tse khōlō tsa Sontaha, ehlile, kereke efe e leka ho hlolisa e 'ngoe, ka sekolo sa Sontaha. Ebile ha ho buuoe ka sekolo sa Sontaha, ka hara Bibehe. Eo ke filosofe ea Methodise. Pele se ne se reiloe "sekolo sa matamuke." Joale mang le mang o kena sekolo sa Sontaha, ba sa khoneng ho emela kereke, hobane ba nkile ntho e kathoko ho seo Molimo a se buileng. Hantle.

<sup>256</sup> Le hopole, ha ke eso ipolele ke rerile letho tlasa tšusumetso, bophelong ba ka, ka tlameha ho le khutlisa, joaloka ha ke buile ka lialetare, letsatsi le leng, le lintho, lea tseba, *Peo Ea Noha*, kapa ntho efe e joalo. E re motho a tle a e heletse ka Lentsoe la Molimo. Che.

<sup>257</sup> Ke hona moo ba lahlehetsoeng ke Eèna; sekolo se sehlo sa Sontaha, kapa tente e khōlōhali e leng teng, sehlopha se apereng hantle ho feta motseng. Eo ke Pentekosta. "Khele, re litho tsa kereke ea pele. Sehlopha se khabane ka ho fetisa motseng se kena moo." Batikone, ba nyetseng hararō kapa hane, batikone lekhotleng, mohlomong e le molebeli, le hape. Ho fumanoa masaoana a mefuta eohle kahara likereke kajeno. Lea bona? Ba e entse kae? Ba lahlehetsoe ke Jesu.

<sup>258</sup> "Be, lea tseba, bolumeli ba rōna bo bohlohali liemong tsa Pentekosta. Banna ba rōna ka mono ke ba koetlisitsoeng ka bokhabane." E ka ba ba joalo. Ha ke hane. Ho joalo le ka diloje le selikeng sa thutamolimo.

<sup>259</sup> Empa ke batla ho tseba motho ea tsebang Jesu, ea Mo boneng 'me a tsoetsoe labobeli, 'me Lentsoe le Ikhalmisa lentsoeng la hae. U ka bona hore ha se La hae. 'Me o inehetse ka botlalo hoo Krete a buang ka eèna. Ke moo he. Ke hantle. 'Me mehlolo le meeka e latèla Lentsoe leo, hobane Ke Lentsoe la Molimo.

<sup>260</sup> Empa Lentsoe la Molimo ha le bolela taba, sehlopha *sena* se re, "Oh, che. Che, che. Ha re ka E lumela mokhatlo oa rōna o tla re kharameletsa ntle." Ho felile ka eèna lekhateng leo,



hantle mono. O ikhaola e le eèna, hantle mono. Ke phetho. U ka fuluha ntho ka machini. U ka maneha ntho e phoso, ua nahana *sena, sane*, kapa se *seng*, empa ntho ea sebele, ea makhonthe ha e fumanehe mono. E, monghali. Oh, ehlile.

<sup>261</sup> Likereke, likereke li ananya Kreste ka lefatše le litumeloana. Kereke e ikakhetse lenaneong la ho ananya. Oh, ehlile ba batla ho—ho fapanyetsa. E, monghali. Bohle ba tloha ho ea fapanyetsa. Ba batla—batla lenaneo la ho fapanyetsa. Ba batla ho fapanyetsa seo Molimo a se buang, ka seo bolumeli bo lebitso bo se buang. Ba batla ho fapanyetsa seo Molimo a se buang, ka ho “sala moruti morao.” Ba batla ho fapanyetsa seo Molimo a se buang, ka ho “sala mokhatlo morao.” Ba ntse ba fapanyetsa.

<sup>262</sup> Lea tseba ke'ng? Batho ba ntse ba reka. Oh, hona joale papatso e khōlo e tsoelapele. Ke Keresemose e 'ngoe, sesomo feela, sa maiqapelo.

<sup>263</sup> Hola re fumane nakoana feela, ke tla khutlela temana ena tsatsi le leng. Ke thesemetsa litaba tse ngata holimo mona, tseo Moea o Halalelang a mphileng tsona nakoana e fetileng. Lea bona?

<sup>264</sup> Nakong eo kereke e ntseng e fapanyetsa, kereke e ntse e e tsoma e reka, batho ba joalo, kereke e bitsoang joalo. E, monghali. Ba ntse ba fapanyetsa. Ruri ba ntse ba reka 'me ba fapanyetsa. Ba rekaa le eng? Kereke e khōlohali, letšoele le apereng makhethe, bolumeli bo bohlohali. 'Me batho . . . Ke tlii'o bua taba. Batho ba leka ho fumana, esita le Mapentekosta, basali ba Pentekosta ba leka ho fumana tulo eo ba ba lumellang lefatše le le ngata: lishotso, moriri o ponngoeng, ferefe. Ba ntse ba reka.

<sup>265</sup> “Ho bokoe Molimo, ke Mopentekosta. Allelua! Ke setho sa *sena*. 'Me, oh, moruti oa rōna ha a lumele . . .”

<sup>266</sup> Lea bona, u ntse u reka u tsomana le bao ba tlang ho ba lumella ho phela litšila tse feteletseng, (Molimo a be le mohau), ea tlang ho ba lumella ho phela tšila e feteletseng le selefatše ho feta eng, hore ba khone. Ba tsoma ba reka ba tloha tulong ho ea tulong, ba hana Kreste. Taba eo e ka silakanya ka hohle. E reretsoe hona. Batho ba ntse ba tsoma. Ba tsoma moo ba ka rekang lisolo tsa Keresemose. Batsoma-lisololo!

<sup>267</sup> “Be, ke Mopentekosta, le 'na. Be, ha re amohela Nyee eo ea khale ea kelello e mopatisane.” Empa Bibe e rialo.

Haeba e le morutuoa oa 'nete oa Kreste, o tla u isa sefapanong.

<sup>268</sup> “Oh, Moena Branham, ke ne ke theohile 'me ke buile ka lipuo.” Ha e bolele letho. Le moulu o kile oa etsa joalo, tsatsi le leng. E, monghali. Hoo ke . . .

<sup>269</sup> Ha kea ikemisetsa ho iqabola ka Lentsoe le halalelang la Molimo. Ke lumela ho bua ka lipuo.

270 Liabolosi o bua ka lipuo. Batho ba ka bua ka lipuo ba ntse ba phela bophelo ba mofuta ofe. Empa, ke bolela hore, e—e liabolosi o tšoare e—e boetsisi ba sohle seo Molimo a se entseng.

271 'Me a ka etsisa sohle ntle le Tsoalo ea Krete ea makhonthe, 'me a ke ke a etsa joalo. Hobane, u tlameha ho shoa, pele, ebe Lentso le a u tsosa. U tseba joang ha u phela? Mohla Lentsoe leo, Lentsoe ka leng la Eona, le fetotsoeng nama ka ho uena. Sohle seo Bibeletse e se buang, u bua ka ho tšoana, 'me se etsahala hantle kamoo A e boletseng. Ke mohla e leng eona, e, ha uena, ha moea oa hao o lumellana le Eèna. Ke Lentsoe. Ha moea oa hao o lumellana le seo A se buileng, 'me Moea o Ipontšahatsa ka Lentsoe la Hae, ke hona mohla u phelang. Lea bona? U qetile ka ho tsamaea u reka, hape, 'me u ananya, le ntho eo eohle. Ntho eohle e batalalitsoe. E.

272 Batho ba ntse ba tsamaea ba reka, ho fumana moo ba ka phelang sefematšhe ho feta, Mapentekosta le bohle. Lōna, Pentekosta, le se ke la iqabola ka Mabaptise ao le Presbeteriene. Ke likhala tsa molapo. Che, monghali. Che, le ho leka. Tsohle ke ntho e le 'ngoe. Ka hona ba tsamaea ba reka, ho fumana moo ba ka tsamaeang kereke 'me ba ingolisa le mokhatlo, moo ba ka tumang, ba nkeloa holimo motseng, ramotse o kena kereke eo. Etsoe, a ka tsamaea kereke, a tsoaloa labobeli. Joale, ke rialo feela ho latela tloaelo, kereke e khōlohali motseng.

273 Ke tseba batho bao e leng litho tsa mokhatloana holimo mona tseleng, kerekana, feela e le nyenyane haholo. Eaba ba re, "Hore bana ba rōna—ba rōna, le rōna re ka khona, re ka nkeloa holimo ho feta," ba isa lengolo la bona kerekeng e 'ngoe ba le theosetsa ho e 'ngoe, mokhatlo o moholoanyane. 'Me hape, e 'ngoe ena e bontša litšoantšo mokatong o katlase, 'me ba bapala bunco le ntho eohle joalo, lea tseba, le lipapali tsena, le joalo-joalo. Eaba ba theolela bana ba bona tlase mono. Tlase mono ba emisitse tafole ea pool, lea bona, ba tle ba khone ho bapala pool, le ho ithapolla le lintho tse joalo. Ba kenya tlelase ea sekolo sa Sontaha ea metsotso e leshome, ba ntano khafutsa ho noa kofi, le moruti o khafutsa ho tsuba lisakrete, a tsoele kantle. Oh, e. Ke hantle. Nke ke ka e bua ke sa tsebe seo ke se buang. Ke hantle. Oh, ehlile. Lea bona?

274 Ba kene leetong la ho reka. Hola feela ba ka tsoelapele ba iphelela bophelo boo ba batlang ho bo phela, ba etsa seo ba se batlang, 'me le joale ba ntse ba tšepisitsoe Bophelo Bosafeleng ka morao ho mona, ba leetong la ho tsoma hoo.

275 Kea le bolella, ha u batla ho nka leeto la ho reka, tloo Kalvari. Ke phetho. Ichoele nqa botho ba hao bo litšila, libe tsa hao, 'me u tsoaloe labobeli, bocha.

276 "'Me ekare ha u rata lefatšhe, kapa lintho tsa lefatšhe, lerato la Molimo ha le a aha ka ho uena.'" Ke seo Bibeletse e se buileng. Ke hantle.

Ho thoe, “Ha ke lumele khalalelo eo.” Ha re makale, u sa khone.

277 Empa Bible e boletse, “Eo ho seng ea tla bona Molimo, ha e le sieo.” Molimo o a halalela. Efèla Molimo ha u phela ka ho uena, le uena, u a halalela.

278 'Me u re u ka ea meketjaneng ena, oa noa senonyana? Mapentekosta a mangata a etsa joalo, ba kenela meketjana ena, 'me ba isa basali bana mono 'me ba phela libakeng tsena, 'me ba theohela 'me lea tsola, le apere lisutu tsa ho tola le kena ho tola pel'a banna, athe banna ba lōna, le baena, le likhahitseli, le ba joalo ba teng. 'Me batho ba Pentekosta ba tsoa ba apere lisutu tsa ho tola, 'me le ipitsa setho sa Monyaluoa? Monyaluoa oa Krete ha a etse lintho sa.

279 Oh, u kene leetong la ho reka, ehlile, ho iphamanela tsela e bonolo, 'me o tšepisitsoe Bophelo Bosafeleng ka morao ho mona.

280 Ha u na Bona, haese ha Bo phela ka ho uena, Lentsoe la Molimo e le bopaki bo phelang bo reng O a phela, 'me o phela ka ho Eèna Oh, banna! “Benghali, re rata ho bona Jesu.” Oh! E seng litumeloana tsena, e seng lintho tsena tseo batho ba li qapang. “Re rata ho bona Jesu.”

281 Empa, O ba lahlehetse. Uh-huh! Hobaneng? Nakoana feela. Hobaneng? Hobaneng, A ba lahlehetse? Hobaneng, A lahlehetse Pentekosta? Hobaneng, A lahlehetse Methodise le Baptise? Hobaneng, A lahlehetse mekhatlo eo? Hobane ha ba batle ho nka hlaku ea bona ea koro ba e lihela Kalvari, 'me ba eshoa nqa tumeloana ea bona, le ho tsoaloa ke Lentsoe.

282 Ebe moo re hlatsuoaeng ka metsi a Lentsoe, amen, ho fetoha libopuoa tse ncha ka ho Krete Jesu. 'Me mehlolo eo Krete a e boletseng e tsamaile le Eèna, e tla tsamaea le bona. Mosali e mong le e mong o tla lula sebakeng sa hae. Monna e mong le e mong o tla lula sebakeng sa hae. Moea oa Molimo o tla lula sebakeng sa 'Ona, le Kereke ea Molimo o phelang e tla hloka sekoli. Ehlile. Amen. E, monghali. E sebetsoa joalo.

283 Tlhaku ea bona ea koro ha e shoe. Ha ba batle ho lahla bolumeli ba bona. Ha ba batle ho e tlohella ho shoa. Hola mokhatlo oa Baptise o ka kenya hlaku eo ea koro ea Baptise mobung ba e tlohela ho shoa; hola Methodise ea kenya hlaku ea bona ea koro, hola Assemblies of God, le ba Pentecostal Jesus Name, le ba Oneness, le ba Threeness, le ba bang bohle ba fapaneng, church of God, le ba bang bohle, ba ka kenya hlaku eo ea koro Lentsoeng; le ho e tlohela ho shoa nqa mehopolo ea eona, le ho lumella Lentsoe lena ho lula le ho tsoetsoa Bophelong. Ke mohla ba ka reng, “Ekare ha le sa lumela ho 'na, le mpe le lumele mesebetsi eo ke e etsang, hoba ke eona e mpakang.”

284 Mesebetsi ke efe? Jesu o itse, “Mesebetsi ena, mesebetsi eo—eo Molimo a 'Neileng eona ho e etsa. 'Me,” ha thoe, “joaloka ha Ntate a Nthomile, le 'Na ke le roma joalo.” Mesebetsi eo Molimo

a e entseng e ne e le ka ho Eèna, e entse Eèna le Ntate Bang. 'Me eona mesebetsi eo Jesu a e entseng, 'me ha Moea o Halalelang oa Jesu o le ka ho uena, o tla u etsisa mesebetsi eona eo. "Mesebetsi eo Ke e etsang le eèna o tla e etsa." Ehlile.

<sup>285</sup> Ha ba tlohele hlaku. . . Ba entse'ng? Ke litho tse shoeleng feela, tse shoeleng sebeng le litlolong, ba shoele thutong, ho shoela linthong tsa lefatše. E bohlokoa ho bona. Ke ka hona ba sa tsoaloang labobeli. Ke ka hona mehlolo e sa khoneng ho latela. Hobane hobaneng? Ke litho tse shoeleng feela. Ke tlameho, ho moreri hore a apesoe Ph.D, double-L.D., pele a ka alosa likereke tse itseng. 'Me mohlomong ha a tsebe liletere tsa pele tsa nteteroane, ABC, "lumela Kreste kamehla." Holane a lumela Kreste. . . [Moena Branham o a bapisa—Mohl.]

<sup>286</sup> Mothaka o kile a ntšala morao, tsatsi le leng, ha thoe, "Hore'ng u sa tlohele batho bao, u sa phetse ho ba ruthutha ka moaparo oa bona, ka lintho tseo ba li etsang? Be, haeba u le moporofeta. . ." Ba re, "Batho nahana hore u moporofeta."

<sup>287</sup> Ka re, "Kea tseba ba itsalo. Ha ke eèna. Empa," Ka re, "ke bona—bona—ba e buileng."

<sup>288</sup> Ho re, "Be, haeba ba u lumela joalo, hobaneng u sa ba rute ho bona lipono le ho tsamaea pel'a Molimo?"

<sup>289</sup> Ka re, "Haeba ba sa tsebe ABC, nka ba ruta algebra e thata joang? Ekare ba sa tsebe creche, ba sa tsebe ho itšoara, ba sa tsebe ho itlhopha le ho itšoara, le moaparo, le boitšoaro, u ka ba ruta litaba tsa boporofeta joang?"

<sup>290</sup> Jesu o itse, "Ekare le sa lumele lintho tse leng tlase mona, lintho tsa lefatše, le tla lumela joang, 'Na ha ke le bolella lintho tsa leholimō?" Lintho tseo le ka khonang ho iketsetsa tsona, ho khaotsa ho etsa lintho tsena. Ha le khone, lintho tsa moea le ka li fumana joang, batho? Ha ho joalo na? [Phutheho e re, "Amen."—Mohl.] E, monghali.

Ho shoa feela, thutong ea bona. Letšoele la bona le rutehile.

<sup>291</sup> Joale ke tla koala ka ho bua sena, mantsoe a 'maloa ana feela. Molaetsa oa ka oa Keresemose, ke ona, ntumelle ho u supisa sefapano bosijing bona. Amen. 'Me lōna, le leng hlaku ea koro, le oele ka ho Kreste mono le shoe. Teng u tla fumana Bophelo ba Hae Lentsoeng la Hae, e le eèna maobane, kajeno, le ka mehla. E mpe e be Molaetsa oa ka oa Keresemose ho lōna. Ha ke le supise sejelo, poreme, kerekeng, ho bolumeli ba mokhatlo. Empa, "benghali, re rata ho bona Jesu," ke ntano le supisa ho Eèna. O le supisa lefung la Hae, kepele le tsoho. 'Me le lumelle hlaku ea lōna ea koro ho oela ka mono, 'me Lentsoe la Hae le tla fetoha 'nete ka ho uena, 'me u tla bona hobane esale Eèna maobane, kajeno, le ka mehla. "Benghali, re rata ho bona Jesu." Esale Eèna maobane, kajeno, le ka mehla.

Ha re rapeleng.

<sup>292</sup> Ntate ea Maholimōng, leha koana lihora li haola li feta, 'me Moea o Halalelang o tsamaea hara batho, 'me hosane ho thoe ke letsatsi la ho rapela leo U rometseng Mora oa Hao ea tsoetsoeng a inotši lefatšeng. 'Me ke lekile, bosiuong bona, ho se supise batho sejelo moo A tsoaletsoeng teng, hoba mohlang oo E ne e le Lesea. Empa ke leka ho ba supisa morero oo U tsoaletsoeng, hore E tle be e 'Moloki oa bona, hore E tle e be Molimo oa bona, Khosi ea bona—ea bona—ea bona—ea bona, Tsohle-ho-Bohle. Ba tle ba tsebe Eo Ea tlatsitseng sebaka sohle, ba tle ba Mo tsebe; e seng Ea qalang Bethlehem, empa Ea se nang qalo, Eo e leng Molimo oa Bosafeleng, ea neng a ka ema holim'a lefatše le ho re, " 'Na le Ntate oa Ka re Bang."

<sup>293</sup> Ke ntse ke leka ho etsisa e—e morutuoa, ka bokhoni ba tsebo ea ka. E tle re ha batho ba pelō li lapileng ba e-tla ho barutuoa ba neng ba lokile, Filipi le Andree, ba ba fihlisitse ka pel'a Sefahleho sa Morena Jesu, 'me Eèna o ba supisitse lefung le tlang ho tla, hore ba tle ba Mo tsebe 'me ba khone ho 'Mona.

<sup>294</sup> 'Me bosiuong bona, Ntate, ka ho tšoana, ke ba supisa Kalvari moo Mora Molimo, Molimo o bonahetseng ka nama, o nkileng sebopelo sa motho 'me oa aha, oa fetola tšobotsi ea 'Ona, ho fetoha ho tsoa ho Molimo oa Bosafeleng Khanyeng. 'Me Bosafeleng ba apara boleng ba motho, oa thakhisa tente ea 'Ona har'a rōna oa fetoha e mong oa rōna, ho fetoha Molopolli oa Lesika, ho re khutlisetsa e—e mohopolong oa Molimo o matla o re bopileng.

<sup>295</sup> Teng A shoa, mane Kalvari, 'me re tšoanela ho shoa le Eèna mono. Joaloka ha a shoele, Mora oa Molimo; ho ba bara ba Molimo, le rōna re tšoanela ho shoa, re lumelle hlaku ea koro ea rōna e oele mobung 'moho le Eèna, maphelo a rōna a shoe 'me a patoe ka ho Eèna. Oh, le ho tsooa tsohong ea Hae, ho tsoellisa mosebetsi oa Hae, ho lumella Molimo oa Hae ea tšoanang, ea neng a le ka ho Eèna, ho bonahatsa Lentsoe la Kereke matsatsing a qetelo, joaloka ha A tšepisitse.

<sup>296</sup> Molimo, re thabile ho 'Mona a netefalitse khato ka 'ngoe, ho bontša hore Ke Molimo. O boloka Lentsoe la Hae. Topallo e khōlō ea Mollo e sa le har'a rōna. Lipontšo tse khōlō le meeka eo A e tšepisitse, e sa ntse e etsahala.

<sup>297</sup> Oho Molimo, re thabile haholo, bosiuong bona, ha e le moo morero o Mo tlisitseng lefatšeng, re na le tokelo ea ho rua Moea oa Hae maphelong a rōna. Ho re fa Bophelo Bosafeleng, Lentsoe la Hae le entsoe nama ka hara boleng ba rōna.

<sup>298</sup> Re ke re itele, bosiuong bona, Morena, ho tela ka botlalo, ntho efe le efe ea lefatše lena, re tle re shoe ka nqa lintho tsa lefatše; le ho tsohela Bophelong bo bocha ka ho Krete, ho tsamaea selemong se tlang sena, haeba selemo se ka tsoella, kapa haeba se ka fihla mona. Morena Jesu, re fetohle, mafiso a khakoletsoeng Molimo, a hlatsoitsoeng ka metsi a Lentsoe, ka

Mali, le ho khetheloa tšebeletso ea Kreste! Aba sena, Morena. Re inehela ho Uena, ka Lebitso la Jesu Kreste. Amen.

Ke be haufi, le Uena,  
Ke be haufi, le Uena;  
'Etong la bophelo bohle,  
Ke tsamaee, le 'Moloki.

Ha re phahamiseng matsoho a rōna le lipelō tsa rōna, re sa e bina.

Ke be haufi, le Uena,  
Ke be haufi, le Uena;  
'Etong la bophelo bohle,  
Ke tsamaee, le 'Moloki.

299 Joale ha re inamiseng lihlooho tsa rōna le lipelō tsa rōna, re se bine ha sesane; empa ho Eëna joale, eka u Mo shebile ka kotloloho.

Ke be haufi, le Uena,  
Ke be haufi, le Uena;  
'Etong la bophelo bohle,  
Ke tsamaee, le 'Moloki.

300 Haeba e le bopaki ba hao boo, joale phahamisa letsoho la hao. Ho re, "Haufi le Uena! Ruri, Morena, e seng kereke. Uena! E seng tumeloana, empa Uena. E seng korepe kapa poreme. Uena! Oho Molimo, Lentsoe la Hao le ahe ka hō 'na, ke tle ke be haufi le Uena."

'Etong la bophelo bohle,  
Ke tsamaee, le 'Moloki.

301 Joale ha re bina hape, ak'o tšoare, letsoho la motho, ho re, "Ke tla u rapella, Mokreste." Ha u tšoara letsoho la bona, ke ho rialo feela, "Ke tla u rapella, Mokreste. U nthapelle."

Ke be haufi, le Uena,  
Ke be haufi, le Uena;  
'Etong la bophelo bohle,  
Ke tsamaee, le 'Moloki.

Joale le sa inamisitse lihlooho tsa lōna.

Koana sejelong, kea tseba ho joalo,  
Lesea le tsoetsoe ho pholosa batho sebeng.  
Johanne o E bone, Konyana ka mehla,  
Oh, Kreste, Ea thakhisoang Kalvari.

Ke be haufi, le Uena;  
'Etong la bophelo bohle,  
Ke tsamaee, le 'Moloki.


302 Lea Mo rata? [Phutheho e re, "Amen."—Mohl.] Na ha A babatsehe? ["Amen."]

Liritsa tsa tsamaea, litholo tsa bua,  
 Matla a builoeng ka lerato holim'a leoatle;  
 Lifofu tsa bona, kea tseba feela  
 Ke mohau oa Monna oa Galelea.

Ke be haufi, le Uena;  
 'Etong la bophelo bohle,  
 Ke tsamaee, le 'Moloki.

<sup>303</sup> Na ebe ke takatso ea lōna bosiueng bona? E reng, “Amen,”  
 ha eba e le eona. [Phutheho e re, “Amen.”—Mohl.] Oh, ho a  
 babatseha!

'Etong la bophelo bohle- . . . Re bajaki.  
 Ke tsamaee, le 'Moloki.

<sup>304</sup> Molimo a le hlohonolofatse. Hantle-ntle ha se “merry”  
 Christmas, empa mahlohonolo a Molimo a Keresemose a be le  
 lōna. Krete oa Kalvari a le pate ka ho Eëna, a le khurumetse, a  
 le phuthele 'me a le koahele ka Lentsoe la Hae, ho fihlela Lentsoe  
 la Hae le entsoe nama ka ho lōna, ke thapelo ea ka. Molimo a le  
 hlohonolofatse. Molebeli joale, Moena Neville. 

*BENGHALI, RE RATA HO BONA JESU* SST61-1224

(Sirs, We Would See Jesus)

Molaetsa ona ka Moena William Marrion Branham, o reriloe Sontaha  
 mantsiboea, Tšitoe 24, 1961, Branham Tabernakele, Jeffersonville, Indiana  
 U.S.A., o ntshitswe kgatisong ya teipi ya makenete mme o ngotswe o sa kgaolwa  
 ka Senyesemane. Petolelo ena ya Sesotho sa Borwa e ngotswe mme e abjwa ke  
 ba Voice Of God Recordings.

SOUTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
 58 DISA ROAD, ADMIRAL'S PARK, GORDON'S BAY 7140 WESTERN CAPE  
 REPUBLIC OF SOUTH AFRICA

VOICE OF GOD RECORDINGS  
 P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)